



元史卷一百三十三

列傳第二十一

南 京 國 子

監 祭

酒 胡

司 業 王

補 刊

塔 出

塔出蒙古札刺兒氏父札刺台歷事太祖憲宗歲甲寅奉旨伐高麗命棄志忽刺出諸王並聽節制其年破高麗連城舉國遁入海島己未正月高麗計窮遂內附札刺台之功居多塔出以勲臣子至元十七年授昭勇大將軍東京路總管府達魯花赤十八年召見賜鈔六十錠旌其廉勤陞昭毅大將軍開元等路

宣慰使改遼東宣慰使二十二年入覲帝慰勞久之  
且問曰太祖命爾父札刺台聖旨爾能記否塔出應  
對周旋不踰禮節帝嘉之賜以玉帶弓矢拜龍虎衛  
上將軍東京等路行中書省右丞復授遼東道宣慰  
使塔出探知乃顏謀叛遣人馳驛上聞有旨卒領軍  
一萬與皇子愛也赤同力備禦女直水達達官民與  
乃顏連結塔出遂棄妻子與麾下十二騎直抵建州  
距咸平千五百里與乃顏黨太撒拔都兒等合戰兩  
中流矢繼知其黨帖哥抄兒赤等欲襲皇子愛也赤  
以數十人退戰千餘人扈從皇子渡遼水乃顏軍來

襲塔出轉鬪而前射其酋帖古友中其口鏃出于項  
墮馬死追兵乃退遂軍懿州州老幼千餘人焚香羅  
拜道傍泣曰非宣慰公吾屬無遺種矣塔出曰今日  
之事上賴皇帝洪福下賴將士之力吾何功焉至遼  
西熊山北小龍泊得叛酋史禿林台盧全等納款書  
期而不至塔出卽遣將討擒之又獲其黨王賽哥復  
與曲迭兒大王等戰破之將士欲俘掠塔出一切禁  
止與僉院漢爪監司脫脫台追乃顏餘黨北至金山  
戰捷帝嘉其功召賜黃金珠璣錦衣弓矢鞍勒二十  
八年賜明珠虎符克蒙古軍萬戶是歲復領軍討哈

丹于女直還攻建州逐阿海投江死明年哈丹涉海  
南襲高麗塔出復進兵討之入朝世祖嘉其功眷遇  
彌渥復賜珍珠上服拜榮祿大夫遼陽等處行中書  
省平章政事兼蒙古軍萬戶卒于位子荅蘭帖木兒  
中奉大夫遼陽省叅知政事

拜延

拜延河西人父火奪都以質子從太祖征河西太祖  
立質子軍號秃魯花遂以火奪都爲秃魯花軍百戶  
太宗命大 紐璘承制以爲千戶從征西川忽都  
叛于臨洮世祖命火奪都等以蒙古漢軍從大軍征

討之火奪都卒拜延襲至元九年制授征行千戶佩  
金符十年宋師侵成都四川僉省嚴忠範遣拜延迎  
擊大敗之又從行省也速帶兒攻嘉定從行院忽敦  
取瀘敘攻重慶數有戰功十二年行院承制以爲東  
西兩川蒙古漢軍萬戶總帥江田哥用兵忠州命拜  
延將兵二千往涪州策應之宋人何知田哥回以舟  
師順流而下邀于青江拜延引兵馳赴擒其部將李  
春等十七人取其軍資焚其戰艦十三年瀘州復叛  
行院遣拜延領兵趨瀘之珍珠堡敗其將王世昌俘  
掠其民人孳畜移兵戍暗溪砦宋合州兵來援拜延

生擒百餘人戮之遂克瀘州行院副使十花進兵圍重慶遣拜延將兵游擊獲大良平李立所遣謀者四人重慶降制授宣武將軍蒙古漢軍總管十九年從總帥江田哥入見陞懷遠大將軍管軍萬戶改賜金虎符卒子荅察兒嗣授明威將軍興元金州萬戶府達魯花赤

### 也罕的斤

也罕的斤匣刺魯人祖匣荅兒密立以斡思堅國哈刺魯軍三千來歸於太祖又獻羊牛馬以萬計以千戶從征回回諸國又從睿宗及折別兒論降河西諸

城後從攻臨洮死焉父密立火者從太宗滅金又從憲宗攻蜀爲萬戶府達魯花赤歿于軍中統二年也罕的斤爲千戶數有戰功下五花石城白馬等砦至元七年宋兵入成都也罕的斤以兵四百人與之相拒四日宋兵退追擊於眉州大破之授蒙古匣刺魯河西漢軍萬戶成眉州從圍嘉定寨懷遠砦以守其要害宋兵出戰輒敗十二年入朝賜對衣玉束帶白金百兩加昭勇大將軍上萬戶益兵萬人會圍重慶盡督馬湖江兩岸水陸軍馬十四年從圍瀘州攻神臂門先登拔之從行樞密副使卜花攻重慶屯佛圖

關屢載有功移屯堡子頭宋守將趙安開門降重慶  
既平復將其衆略地思州得降將百餘人加昭毅大  
將軍帝以西川新附選能鎮撫之者授嘉定軍民西  
川諸蠻夷部宣撫司達魯花赤增戶萬餘進奉國上  
將軍四川宣慰使都元帥十七年征幹端拜雲南行  
省叅知政事二十一年與右丞太卜諸王相吾魯兒  
分道征緬造舟于阿昔阿禾兩江得二百艘進攻江  
頭城拔之獲其銳卒萬人命都元帥來世安守之且  
圖其地形勢遣使詣闕具陳所以攻守之方先是既  
破江頭城遣黑的兒楊林等勸緬使降不報而諸叛

蠻據建都大公城以拒大軍復遣僧諭以禍福反爲  
所害遂督其軍水陸並進擊破之建都金齒等十二  
城皆降命都元帥合帶萬戶不都蠻等以兵五千戍  
之二十八年改四川行樞密副使卒子二人火你赤  
的斤雲南都元帥也連沙襲蒙古軍萬戶

### 葉仙鼐

葉仙鼐畏吾人父土堅海牙以才武從太祖太宗平  
金及西夏俱有功仙鼐幼事世祖於潛藩從征土蕃  
雲南常爲前驅歲己未伐宋至鄂州先登奪其外城  
中統元年從征阿里不哥與其黨遇大呼馳擊之其

元史列傳卷三十一  
五  
衆駭潰賞白金貂裘明年討李壇以功賞白金五百兩授西道都元帥金虎符土蕃宣慰使仙鼐素熟夷情隨地阨塞設屯鎮撫之恩威兼著頑獷皆悅服賜金幣鈔及玉束帶爲宣慰使歷二十四年遷雲南行省平章政事尋改江西行省平章政事巨盜鍾明亮積年爲害仙鼐討擒之至元三十一年成宗卽位召還賜玉帶改陝西行省平章政事謝事歸隴右十年卒贈協恭保節功臣太保儀同三司上柱國鞏國公謚敏忠子完澤太子詹事進金紫光祿大夫中書平章政事

### 脫力世官

脫力世官畏吾人也祖八思忽都探花愛忽赤國初領畏吾阿刺溫滅乞里八思四部以兵從攻四川歿于軍父帖哥木探花愛忽赤憲宗命長渴密里及曲先諸宗藩之地渾都海阿藍荅兒叛執帖哥木械繫之帖哥木破械脫走入覲世祖賜金符襲父職命率所部兵就征之以功賜衣服弓矢鞍勒又命從諸王奧魯赤討建都平之陞昭勇大將軍羅羅斯副都元帥同知宣慰司事至西蕃境上蕃酋必刺充遮道不得進帖哥木戰却之道遂通事聞賜金虎符賞白金

及衣二襲卒于官脫力世官襲職爲武德將軍羅羅斯副都元帥同知宣慰司事其所部有產金戶叛服不常脫力世官往討平之定昌路總管谷納叛與其千戶阿夷謀率衆渡不思魯河脫力世官引兵戰擒阿夷殺之德平路落來民又叛脫力世官又討平之亦奚不薛地未附民多立寨依險自保詔雲南行省調羅羅斯蒙古軍四百人羅羅章六百人屬脫力世官從左丞愛魯往討之脫力世官先至拔其寨愛魯命率兵攻羅羽抵落穿奪其關獲馬牛羊以給士卒又命與萬戶兀都蠻攻怯兒地其酋長阿失據山寨

不下脫力世官先登破之愛魯遂命脫力世官總左手四翼兵討平亦奚不薛又有蠻子童者立寨于納土原山行省復命脫力世官以蒙古爨爨軍與行省叅政阿合八失攻之子童窮蹙遂降進兼管軍副萬戶蠻細狗折興等及威龍州判官阿遮皆憑險爲亂脫力世官夜入據其寨賊散走遣兵搜山谷獲阿遮於深菁斬之籍其民五百餘戶爲農脫力世官入覲授三珠虎符加懷遠大將軍羅羅斯宣慰使兼管軍萬戶旣還治括戶口立賦稅以給屯戍昌州蘇你巴翠等作亂脫力世官以雲南王命討降之徒其衆於

昌州平川鎮守千戶任世祿以所部二千人乘間遁去屯威龍州脫力世官先據其要路阨之世祿降未幾入覲卒于京師子峻南班由宿衛襲職佩三珠金虎符官至鎮國上將軍

### 忽刺出

忽刺出蒙古氏曾祖阿察兒事太祖爲博兒赤祖赤脫兒征太宗征欽察康里回回等國有功爲涿州達魯花赤卒伯父哈蘭木襲職佩金符以功稍遷益都路蒙古萬戶歿於軍忽刺出襲哈蘭木職初授昭勇大將軍至元十二年攻宋六安軍行省命領諸軍戰

艦遇宋軍敗之有旨褒賞軍次安慶忽刺出及參政董文炳領山東諸軍與宋孫虎臣等戰于丁家洲大敗之俘其將校三十七軍五千船四十戰于朱金沙又敗之七月及宋人戰于焦山江中時丞相阿木督戰忽刺出與董文炳冒矢石汭流鏖戰八十里身被數傷裊創殊死戰宋張殿帥攻呂城忽刺出與萬戶懷都生擒之從下常州畧地蘇湖秀州至長橋大敗宋軍大軍至臨安伯顏命忽刺出守浙江亭及北門敗揚州軍于楊子橋又敗真州軍追李庭芝至通州海口盡降淮東諸州江南平加昭毅大將軍尋遷湖

元史列傳卷二十  
州路達魯花赤十四年進鎮國上將軍淮東宣慰使  
奉旨屯守上都改嘉議大夫行臺御史中丞陞資善  
大夫福建行省左丞遷江淮行省除右丞拜榮祿大  
夫江浙行省平章政事以疾卒

### 重喜

重喜東呂紕氏祖塔不已兒事太宗爲招討使征信  
安河南授金虎符改征行萬戶卒父脫察刺襲職歲  
己未從南征破十字寨時重喜從行戰亦屢捷左足  
中流矢勇氣益倍世祖親勞之曰汝年幼能爲朕宣  
力如是深可嘉尚父卒重喜襲職中統三年從征李

壇有功四年命領兵鎮莒州至元十二年奉旨築十  
字路城備守禦重喜常率兵游擊四年從抄不花征  
泗州時蔡干戶爲宋兵所圍重喜奮戰救之五年入  
覲帝嘉其功賜白金金鞍弓矢修正陽城十一年宋  
兵圍正陽從大軍戰敗之十二年從下漣海諸城又  
敗宋將李提轄遂駐兵瓜洲十三年夏六月宋都統  
姜才率師來攻迎戰卻之秋七月從大軍襲擊宋將  
李庭芝于泰州進昭勇大將軍婺州路總管府達魯  
花赤卒子慶孫襲

### 且只兒

崇禎七年刊

元史列傳卷二十

八

旦只兒蒙古答答帶人至元七年從征蜀敗宋兵于馬湖江斬首百餘級九年從征建都蠻十一年從攻嘉定敗宋兵於夾江又從攻下瀘叙諸州進圍重慶敗宋將張萬瀘州叛諸軍將攻瀘旦只兒先將其衆據紅米灣與宋兵戰敗之進至安樂山復敗宋軍斬首五百餘級獲戰艦四宋兵邀漕舟於安樂山擊走之遂破其石磐寨十四年春抵瀘州奪其戰艦五艘還至安樂山復與宋兵戰殺數十人從諸軍拔瀘州張萬舉兵欲向合州旦只兒以銳卒千人邀擊於龍坎斬首百餘級萬引卻賜銀符授管軍千戶從征幹

端至甘州賜金符陞總管十九年從諸王合班元帥忙古帶軍至斡端與叛王元盧等戰勝之二十年諸王八巴叛以兵來攻旦只兒獨破其五千餘衆拔亡卒二千餘人以出進副萬戶還戍長寧軍宋好止寨以兵來襲旦只兒擊走之斬首百餘級生獲三十餘人二十六年賜金虎符授信武將軍平陽等路萬戶府達魯花赤卒子建都不花襲

### 脫歡

脫歡札刺兒台氏祖菊者父脫端爲萬戶從皇子濶出忽都禿魯汴宋睢宿等州歲癸丑鎮蔡州脫端卒

子不花襲不花卒弟阿藍答兒襲阿藍答兒卒弟長壽襲並爲千戶守蔡長壽卒脫歡襲加武畧將軍佩金符從丞相阿木攻陽邏堡累有戰功渡江攻鄂漢諸州下之會宋軍于丁家洲脫歡突入奪戰艦數艘攻建康太平等郡下之宋都統姜才攻楊子橋堡脫歡率精兵出堡東逆之斬殺幾盡俄而宋軍復集堡北遂奮擊走追至揚州殺傷甚衆會萬戶昔里罕入朝道滁州爲宋兵所遮擊敗宋兵出昔里罕從攻揚州至泥湖遇宋軍奪三十餘艘遂進兵蘇州與宋軍戰擒柳奉使至元十三年右丞相遣脫歡援高郵

未至二十里會宋將率兵來漕高郵粟與戰擒之有頃宋高郵都統復率二萬人至擊敗之十四年春授懷遠大將軍太平路總管府達魯花赤會只里瓦帶寇北邊帝命脫歡往討之戰左臂中流矢二帝慰勞之賜鎧甲弓矢鞍勒鈔千五百緡十五年春從親王幹魯忽台丞相孛羅西征有功加定遠大將軍福州路總管府達魯花赤平閩盜改武昌路卒

### 完者拔都

完者拔都欽察氏其先彰德人以才武從軍歲己未從世祖攻鄂州登城斬馘賞銀五十兩中統三年從

諸王合必赤征李瓊於濟南力戰有功至元四年從  
萬戶木花里掠地荆南至襄陽與宋兵戰屢勝之遂  
爲梯登樊城焚樓櫓勇冠三軍十一年授武畧將軍  
彰德南京新軍千戶攻沙洋新城始授金符領丞相  
伯顏帳前合必赤軍渡江論功改武義將軍戰于丁  
家洲及楊子橋焦山破常州入臨安攻泰州新城皆  
預馬江南歸附入見賜號拔都兒佩金虎符遷信武  
將軍管軍總管高郵軍達魯花赤首以興學勸農爲  
務四方則之郡有虎傷人手格殺之旣而高郵陸爲  
路進懷遠大將軍高郵路達魯花赤十六年進昭勇

大將軍管軍萬戶十八年閩賊陳吊眼作亂擢鎮國  
上將軍福建等處征蠻都元帥賜翎根甲命往討之  
破其營擒吊眼至漳州斬以示衆加管軍萬戶兼高  
郵路達魯花赤賞賜無筭二十三年進驃騎衛上將  
軍江浙等處行中書省左丞仍管軍萬戶遷浙西行  
中書省右丞行浙西宣慰使二十七年轉資德大夫  
江西等處行樞密院副使兼廣東宣慰使元貞元年  
入朝拜榮祿大夫江浙等處行中書省平章政事卒  
于官年五十九贈效忠宣力定遠功臣開府儀同三  
司太尉上柱國追封林國公謚武宣

失里伯

失里伯蒙古人祖怯古里禿從太祖經畧西夏有功又隸諸王朮赤台領寶兒赤與金人戰歿于陣父莫刺合嗣從征阿藍荅兒亦有功世祖賜以白金五十兩失里伯世其職由樞密院斷事官爲河南行中書省斷事官至元七年佩金虎符引水軍四萬攻襄陽八年七月宋將范文虎來援失里伯敗其軍進圍樊城先登戰于鹿門與諸軍擒其將張貴十年遷昭勇大將軍爲就羅國招討使奉旨入見上都改管軍萬戶領襄陽諸路新軍從丞相伯顏等渡江破獨松關下長興取湖州行安撫司事十四年授湖州總管進鎮國上將軍淮西道宣慰使十八年卒子塔刺赤曲靖等路宣慰使

孛蘭奚

孛蘭奚雍吉烈氏世居應昌祖忙哥以后族備太祖宿衛父律實狀貌魁偉有謀善騎射太宗嘗問以軍旅之事應對稱旨卽命爲千戶尋以爲齊王府司馬後從睿宗伐金有功詔還宿衛以疾卒孛蘭奚英邁有父風幼孤能自刻厲如成人暇日習弓馬夜則讀書其母嘗訓之曰汝父忠勇絕人天不假年汝能自

立則汝父歿無憾矣李蘭奚由是感激期以成父之志從軍有功襲父官為齊王司馬世祖親征乃顏以齊王兵從兵始交李蘭奚躍馬陷陳斬其旗所嚮披靡世祖遙望見壯之有頃乃顏兵遁走李蘭奚馳歸以捷聞世祖大悅勞之曰無忝汝父矣賜黃金五十兩金織文二疋授宣威將軍信州路達魯花赤時江南初附布宣上意與民更始期年郡中大治部使者以聞帝獎歎久之即遣使賜以上尊俄以疾卒年三十三贈河間路達魯花赤追封范陽郡侯子脫穎溥化歷監察御史河南廉訪副使郴州路達魯花赤

怯烈

怯烈西域人世居太原由中書譯史從平章政事賽典赤經畧川陝至元十二年立雲南行省署為幕官諸洞蠻夷酋長款附怯烈功居多十五年分省大理會緬人入寇怯烈即以戰具資軍士討平之授行中書省左右司員外郎十八年平章納速剌丁遣詣關敷奏邊事世祖愛其聰辨練達錫虎符拜鎮西緬麓川等路宣撫司達魯花赤兼管軍招討使成都烏蒙諸驛阻絕怯烈市馬給傳往來便之俄被召上京問以征緬事宜奏對稱旨賜幣帛及翎根甲諸王相吾

卷見右丞太子征緬命恪烈率兵船爲鄉導長其江  
頭城振旅而還復從雲南王父緬總兵三千屯鎮驃  
國設方略招徠其黨由是復業者衆後入覲世祖慰  
勞之詢以緬國始末擢正議大夫僉緬中行中書省  
事佩金符頒詔于緬宣布威德緬王稽顙稱謝遣世  
子信合八的入貢還通奉大夫雲南諸路行中書省  
參知政事進資善大夫雲南諸路行中書省左丞大  
德四年以疾卒

暗伯

暗伯唐兀人袒僧吉陀迎太祖于不倫答兒哈納之

北太祖嘉其效順命爲秃魯哈必闌赤兼怯里馬赤  
父秃兒赤襲職事憲宗累官至文州禮店元帥府達  
魯花赤暗伯弱冠入宿衛性嚴重剛果有大志嘗親  
迎于燉煌阻兵不得歸乃客居於于闐宗王阿魯忽  
之所世祖遣薛徹于等使阿魯忽以通好阿魯忽留  
使者數年弗道暗伯悉以已馬駝厚贖之令逃去薛  
徹于等得脫歸具以白世祖世祖稱歎久之旣而命  
元帥不花帖木兒等征于闐暗伯乘間至行營見薛  
徹于於帳中薛徹于曰公之忠義已上聞矣不花帖  
木兒遂承制命暗伯權充樞密院客省使俄有旨護

送暗伯妻子來京師未幾宗王乃顏叛世祖親征暗伯在行間屢捷命爲克流速不魯合不周兀等處萬戶又諸王哈魯駙馬禿綿荅兒等叛暗伯率所部兵戰于克流速石巴禿之地身中七創所乘馬亦中二矢自旦至晡鏖戰愈力刺禿綿荅兒殺之生擒哈魯以獻世祖嘉其功命長唐兀衛兼僉樞密院事凡分立諸色五衛軍職襲替屯戍之法多所更定歷同僉副樞密院事以疾終于位贈推忠保節功臣資善大夫甘肅等處行中書省右丞上護軍寧夏郡公諡忠遂子阿乞刺知樞密院事亦憐真班湖

廣省左丞

也速解兒

也速解兒康里人父愛伯伯牙兀太祖時率衆來歸初以五十戶從軍南征力戰而死也速解兒世其官從丞相伯顏經略襄樊攻百丈山鶴子灘功居最及襄樊圍合卽被甲先登賞銀鈔百兩明年破復州殺其將以功陞百戶主帥言賞不足酌其勞世祖賜金符加爲千戶督五路招討至元十六年改金虎符管軍總管江南平錄功進懷遠大將軍管軍萬戶領江淮戰艦數百艘東征日本全軍而還有旨特賜養老

一百戶衣服弓矢鞍轡有加二十二年移鎮泰州時  
藉民丁爲兵得萬人以也速解兒爲欽察親軍指揮  
使統之大德三年以疾卒子七人曰教化的日黑厮  
襲父職以疾卒日黑的牧馬同知日延壽襲兄職曰  
拜顏領哈刺赤日完澤帖木兒廣德路萬戶達魯花  
赤曰哈刺章

### 昔都兒

昔都兒欽察氏父禿孫隸蒙古軍籍中統三年從丞  
相伯顏討李壇叛以功授百戶至元十年告老以昔  
都兒代之十一年昔都兒從大軍南征攻取襄陽唐

鄧申裕鈞許等州累功授忠顯校尉營軍總把賜銀  
符將其父軍十四年從諸王伯木兒追擊折兒凹台  
岳不思兒等於黑城哈刺火林之地平之十七年賜  
金符陞武畧將軍侍衛軍百戶時亡宋猶有未附城  
邑昔都兒言於省願自舉兵下之省從其請諸城聞  
風而附二十四年賜虎符進宣武將軍漢洞右江萬  
戶府達魯花赤是年秋七月領洞軍從鎮南王征交  
趾冬十月至其境駐兵萬劫左丞阿八命進兵拔其  
一字城射交人奪其戰艦七明年春正月大兵進逼  
僞興道王居與交人戰于塔兒山奮戈撞擊之右臂

中毒矢流血盈掬灑血奮戰射死交人二十餘仍督  
 諸軍乘勝繼進大敗之遂入其都城四月戰于韓村  
 堡擒其將黃澤是夜二鼓交人突至謀劫營官軍堅  
 壁以待敵失計詰旦鳴鼓出營交人却追殺甚眾還  
 營立木柵增邏卒交人不敢犯五月鎮南王引兵還  
 以昔都兒為前軍行次陷泥關戰數十合交人却遂  
 還迎鎮南王于女兒關交人四萬餘截其要道時我  
 軍乏食且疲於戰將佐相顧失色昔都兒率勇士奮  
 戈衝擊之交人却二十餘里遂得全師而還鎮南王  
 閱其勞命樞密臣奏陞其秩二十六年賜虎符授廣  
 威將軍砲手軍匠萬戶府達魯花赤大德二年卒子  
 也先帖木兒襲

列傳卷第二十

天曆三年刊

出表神才  
太師軍師手軍四萬口

列傳卷第二十一

翰林學士雷大夫知制誥兼修國史臣吳濂翰林侍制承直郎同知制誥兼國史院編修官皇禧等奉

勅修

撒吉思

撒吉思回鶻人其國阿大都督多和思之次子也初為太祖弟幹真必闍赤領王傳幹真薨長子只不干蚤世適孫塔察兒幼庶兄脫迭狂恣欲廢適自立撒吉思與火魯和孫馳曰皇后乃授塔察兒以皇太弟寶襲爵為王撒吉思以功與火魯和孫分治黑山以南撒吉思理之其北火魯和孫理之從憲宗攻釣魚

山建言乘勢定江南帝嘉納焉憲宗崩阿里不哥爭立諸王多附之者撒吉思馳見塔察兒力言宜協心推戴世祖塔察兒從之及世祖卽位聞撒吉思所言授北京宣撫賜宮人甕吉刺氏及金帛章服及至鎮鋤奸抑彊遼東以寧會高麗有異志帝遣使究治則委罪於其臣洪察忽械送京師道遼東撒吉思訪知洪察忽以直諫迂意卽奏疏爲直其事帝命釋之李壇叛命撒吉思帥師從宗王哈必赤討之李壇伏誅哈必赤欲屠城撒吉思力爭曰王者之師止誅元惡脅從罔治因撫摩其人衆情大悅授山東行省都督

遷經畧統軍一使兼益都路達魯花赤辭不拜上言山東重鎮宜選貴戚臨之帝不許賜京城宅一區益都田千頃及壇馬羣園林水榭海青銀鼠裘之屬兵後民乏牛具爲之上聞驗民丁力官給之統軍抄不花田遊無度害稼病民元帥野速荅爾據民田爲牧地撒吉思隨事表聞有旨杖抄不花一百令野速荅爾還其田壇故將毛璋欲率諸部謀執撒吉思以歸宋璋黨上變乃襲璋斬之撒吉思嘗慕古人舉親舉讎之義叛師故卒得與子姓參用公論多之山東歲屢歉爲請於朝發粟賑卹又奏蠲其田租山東人刻

石頌德卒年六十六後贈安邊經遠宣惠功臣謚襄惠

月乃合

月乃合字正卿其先屬雍古部徙居臨洮之狄道金畧地盡室遷遼東曾祖帖木爾越哥仕金爲馬步軍指揮使官名有馬因以馬爲氏祖把掃馬野禮屬徙靜州之天山以財雄邊宣宗遷汴父昔里吉思辟尙書省譯史試開封判官改鳳翔府兵馬判官死國事贈輔國上將軍恒州刺史廟號褒忠月乃合好學負氣父死時年方十七奮然投冠于地曰吾父死國難

吾獨不能紓家難乎會國兵破汴侍母北行艱關鋒鏑中北見憲宗辭容端謹帝嘉賞之命贊卜只兒斷事官事以燕故城爲治所月乃合慨然以治道自任政事修舉歲壬子料民丁於中原凡業儒者試通一經卽不同編戶著爲令甲儒人免丁者實月乃合始之也性好施予嘗建言立常平倉舉海內賢士楊春卿張孝純輩分布諸郡號稱得人又羅致名士敬鼎臣授業館下薦引馬文玉牛應之輩爲叅佐後皆位至卿相歲己未世祖以親王南征從行至汴令專饋饌運濟南鹽百萬斤以給公私之費所過州郡汴蔡汝

元史列傳卷三十一  
三  
穎之間商農安業軍政修舉月乃合與有力焉及卽位降詔褒獎世祖將親征阿里不哥月乃合出私財市馬五百以助軍帝厚贍其家曰當償汝也拜禮部尙書佩金虎符四年南邊不靖月乃合建言光穎等處立推場歲可得鐵二百三萬七千餘斤鑄農器二十萬事用易粟四萬石輸官不惟官民兩便因可以鎮服南方詔以本職兼領已括戶三千與煽鐵冶其蒙古漢軍並聽節制未行以疾卒年四十八贈推忠宣力翊運功臣正議大夫僉書樞密院事上輕車都尉梁郡侯謚忠懿子孫登仕籍者甚衆至仁宗朝詔行科舉曾孫祖常博學能文章鄉試會試皆爲舉首由翰林應奉拜監察御史直言忤上官意去居浮光數年起爲翰林待制累遷御史中丞卒謚文貞

### 昔班

昔班畏吾人也父闕里別斡赤身長八尺智勇過人間太祖北征領兵來歸從征回回國數立功將重賞之自請爲本國坤間城達魯花赤從之仍賜種田戶二百卒昔班事世祖潛邸命長必閣赤中統元年以爲真定路達魯花赤改戶部尙書宗正府札魯花赤阿里不哥之叛帝命昔班詣河西督糧運給軍還至

西京北聞萬戶阿失鐵木兒等方選士卒將從阿里  
不哥昔班矯制召其軍赴行在阿失鐵木兒狐疑未  
決昔班委曲諭之且曰皇帝兄也阿里不哥弟也從  
兄順事也又何疑焉阿失鐵木兒等請夜議之期以  
翌日復命且以兵圍昔班以待明日皆至曰從爾之  
言矣卽便宜以西京錢糧給其軍遂率之以行入見  
帝歎曰戰陣之間得一夫之助猶爲有濟昔班以二  
萬軍至其功豈少哉海都叛世祖大閱兵將討之先  
命昔班使海都使之罷兵置驛來朝昔班至海都傳  
旨諭之海都聽命旣退軍置驛而丞相安童軍先已

克火和大王部曲盡獲其輜重海都懼將逃謂昔班  
曰我不難於殺汝念我父嘗受書於汝姑遣汝歸以  
安童之事聞非我罪也昔班以聞帝曰汝言是也先  
是來者亦嘗有此言尋命爲中書右丞商議政事妻  
以宗王之女不魯真公主明年復使海都諭之來歸  
且曰苟不從我爾能敵諸王蕃衛之兵乎海都辭以  
畏死不敢昔班奉使奔走三年風沙翳目時年已七  
十矣命爲翰林承旨給全俸養老年八十九而卒子  
幹羅思密至元二十三年授浙東宣慰使浙東盜起  
僞鑄印璽僭稱天降大王幹羅思密討平之移鎮廣

西峒蠻羅天佑作亂招諭降之年六十九卒子咬住至大三年授典用監卿有盜竊世祖御帶者懸賞五千錠以購賊咬住擒獲之盜伏誅咬住辭賞武宗嘉其不伐予之千錠官至榮祿大夫宗正府札魯火赤

### 鐵連

鐵連乃蠻人也居絳州祖伯不花爲宗王拔都王傳鐵連魁偉寡言有謀畧早歲宿衛王府拔都分地平陽以鐵連監隰州中統初調平陽馬步站達魯花赤至元初宗王海都叛廷議欲伐之世祖曰朕以宗室之情惟當懷之以德其能盡忠者足任大事者徃使焉

左右以鐵連對遂召見語及大事鐵連應對稱旨帝嘉其辯慧曰此事非汝不可然必先詣拔都蒙哥鐵木王所相與計事而後行使二人副之鐵連既奉命欲直造海都境視其虛實然後議于諸王副者弗從曰上命我輩先議于王今遽造敵境不可鐵連曰親承密旨汝輩違則當誅副者懼而從之行既至海都日召宗親宴飲將伺其隙謀害之鐵連乃厲聲斥之曰且食勿語望語言脫口相撫爲罪耶良久海都曰直哉酒半鐵連求衣爲歡海都嘉其雄辯將解與之其妃止之以皮服二襲付之因語其屬曰爲使者當

元史及傳卷三十一  
六  
如是矣厚贈以行既至拔都蒙哥鐵木王所具告以故王曰祖宗有訓叛者人得誅之如通好不從舉師以行天罰我卽外應掩襲勦絕不難矣鐵連還悉以事聞因言於帝曰海都兵繁而銳不宜速戰來則堅壘待之去則勿追自守旣固則無虞矣帝深然之勅所受海都皮服全飾以金凡朝會宜服以表示焉其賞賜不可勝計後屢使拔都王所道遇海都游兵副者前行失對遇害鐵連後至曰我爲天子使可以非禮犯之耶游兵語屈乃曰前者僞使此真使也釋之遂獨得還帝嘗謂侍臣曰有鐵連則朕之宗族將不

失和矣海都覘伺拔都王爲備已嚴意乃帖然鐵連始終凡四往返歷十四年帝謂鐵連曰在朝官之要重者惟汝所擇對曰臣志在王室其事未辦不敢奉命今臣母在絳州老且病得侍朝夕幸也詔從其請授絳州達魯花赤至元十五年平陽李二謀亂鐵連捕問盡得其狀中書奏進其秩帝曰鐵連豈惟能辦此耶加宣武將軍至元十八年病卒於官年六十四子荅刺帶嗣官信武將軍同知大同路總管府事

### 愛薛

愛薛西域弗林人通西域諸部語工星曆醫藥初事

元史及傳卷三十一  
定宗直言敢諫時世祖在藩邸器之中統四年命掌  
西域星曆醫藥二司事後改廣惠司仍命領之世祖  
嘗詔都城大作佛事集教坊妓樂及儀仗以迎道愛  
薛奏曰高麗新附山東初定江南未下天下疲弊此  
無益之費甚無謂也帝嘉納之至元五年從獵保定  
日且久乃從容於帝前語供給之民曰得無妨爾耕  
乎帝爲罷獵至元十三年丞相伯顏平江南還姦臣  
以飛語讒之愛薛叩頭諫得解尋奉詔使西北宗王  
阿魯渾所旣還拜平章政事固辭擢秘書監領崇福  
使遷翰林學士承旨兼修國史大德元年授平章政

事八年京師地震上弗豫中宮召問災異殆下民所  
致耶對曰天地示警民何與焉成宗崩內旨索星曆  
秘文愛薛厲色拒之仁宗時封秦國公卒追封太師  
開府儀同三司上柱國拂林忠獻王子五人也里牙  
秦國公崇福使腆合翰林學士承旨黑廝光祿卿闊  
里吉思同知泉府院事魯合廣惠司提舉

闊闊

闊闊字子清本蔑里吉氏部族世居不里罕哈里敦  
之地其俗驍勇善騎射諸族頗憚之國初舉族內附  
世祖居潛邸選闊闊爲近侍歲甲辰世祖聞王鶚賢

避兵居保州遣使徵至問以治道命闊闊與廉希憲皆師事之既而闊闊出使于外迨還而鶚已行思慕號泣不食者累日世祖聞而異之歲庚戌憲宗復召鶚至和林仍命闊闊從之游每旦起盛飾其冠服鶚讓之曰聖主好賢樂善徵天下士命若從學若等不能稱主上心惟誇衒鮮華以益驕貴之氣恐窒於外而塞於中道義之言無自而入吾所不取也闊闊深自悔悟明日俱純素以進鶚乃悅歲壬子奉命僉諸路軍籍以丁壯產多者克之所至編籍無撓人皆德之及還帝悅命領燕京匠局世祖即位特授中書左

丞未幾遷大名路宣撫使以疾卒年四十子堅童字永叔少孤甫十歲卽從王鶚游旣長奉命入國學復從許衡游弱冠入侍禁廷授中順大夫侍儀奉御遷中議大夫同修起居注及奉使濟南見楊桓賢遂力薦之至元二十三年授嘉議大夫禮部尙書遷吏部尙書秩未滿特授通議大夫御史臺侍御史二十四年扈從東征屢戰有功遷燕南河北道提刑按察使二十八年授正議大夫燕南河北道肅政廉訪使遂拜河南行省平章政事驛召赴闕未拜以疾卒年三十九

秃忽魯

秃忽魯字親臣康里亦納之孫亞禮達石第九子也  
自幼入侍世祖命與也先帖木兒不忽木從許衡學  
帝一日問其所學秃忽魯與不忽木對曰三代治平  
之法也帝喜曰康秀才朕初使汝往學不意汝即知  
此除蒙古學士奉議大夫客省使進兵部郎中遷僉  
太史院嘗宴見世祖屢開說古今治亂政要多所裨  
益至元二十年遷中書右司郎中未幾大宗正薛徹于  
薦掌其府判署閱諸獄文案嘗暮歸愀然若有求而  
未獲者家人問之曰今日所議死案也於我心有疑

欲求所以活之未得其方耳他日歸喜曰我得之矣  
於法當流徙邊地遷吏部尙書時哈刺哈孫爲湖廣  
平章嘗與秃忽魯同在大宗正素知其賢舉以自輔  
遂授資德大夫湖廣右丞時湖南北盜賊乘舟縱橫  
劫掠哈刺哈孫患之秃忽魯曰樹茂鳥集樹伐則散  
戮一人足矣盜百喬大使者居九江郡守曳刺馬丹  
取賂蔽之遣使擒以來獄成殺而令諸市群盜頓息  
湖南宣慰張國紀創徵夏稅民弗堪秃忽魯屢請罷  
之至元二十九年辰州蠻叛副樞劉國傑僉院唆木  
蘭往討之不利移文索辰澧沅民間弩士三千哈刺

哈孫以民弗習戰強之徒傷吾民弗許禿忽魯曰兵  
貴訓練乃可用也漢軍不習弩因蠻攻蠻古所利遂  
與之果以此獲勝成宗卽位遷江浙右丞適歲旱方  
至而雨民心大悅未幾平章不忽木卒帝思之問近  
侍曰群臣孰有似不忽木者賀伯顏對曰禿忽魯其  
人也且先帝所知遂驛召還賜雕鞍弓矢俄遷樞密  
副使大德七年卒年四十八贈推忠翊亮佐理功臣  
榮祿大夫江浙等處行中書省平章政事柱國大司  
徒趙國公謚文肅子山僧仕至晉寧路總管

### 唐仁祖

唐仁祖字壽卿畏兀人祖曰唐古直子孫因以唐爲  
氏初畏兀舉國効順唐古直時年十七給事太祖因  
屬之睿宗曰唐古直可任大事睿宗未及用莊聖皇  
后擢爲札魯火赤父驥豪爽好射獵世祖卽位命驥  
爲裕宗潛邸必闡赤陞達魯花赤仁祖少穎悟父沒  
母教之讀書通諸方語言尤邃音律中統初詔諸貴  
胄爲質帝親閱之見仁祖曰是唐古直孫邪聰明無  
疑也俾習國字至元六年中書省選充蒙古掾十六  
年錄囚平陽平反寃滯免死者九十七人十八年授  
翰林直學士時中書奏真定保定兩路錢穀逋負屢

歲不決遣仁祖往閱其牘皆中統舊案亟還奏罷之  
轉工部侍郎除中書右司郎中拜叅議尚書省事時  
丞相桑哥秉政威焰方熾仁祖論議不回屢忤桑哥  
人皆危之仁祖自若也遷工部尚書桑哥以曹務煩  
劇特重困之仁祖處之甚安尋出使雲中桑哥考工  
部織課稍緩怒曰誤國家歲用亟遣驛騎追還就見  
桑哥相府中遽命直吏拘往督工且促其期曰違期  
必致汝於法左右皆爲之懼仁祖退召諸署長從容  
諭之曰丞相怒在我不在爾也汝等勿懼宜力加勉  
衆皆感激晝夜倍其功期未及而辦乃寵已而桑哥

繫獄有旨命仁祖徃籍其家明日桑哥以左右之援  
得釋衆見駭然目仁祖曰怒虎之威可再犯邪悉諭  
垣以竄仁祖獨不爲之動桑哥竟敗二十八年除翰  
林學士承旨中奉大夫遼陽饑奉旨偕近侍速哥左  
丞忻都徃賑忻都欲如戶籍口數大小給之仁祖曰  
不可昔籍之小口今已大矣可偕以大口給之忻都  
曰若要善名而陷我于惡邪仁祖笑曰吾二人善惡  
衆已的知豈至是而始要名哉我知爲國卹民而已  
何卹爾言卒以大口給之俄除通奉大夫將作院使  
成宗卽位尊大母元妃爲皇太后以仁祖善書特勅

書冊文復奉詔督工織絲像世祖御容越三年告成  
大德五年再授翰林學士承旨資善大夫知制誥兼  
修國史以疾卒年五十三贈榮祿大夫平章政事追  
封洹國公諡文貞子恕初授奉訓大夫壽武庫提點  
至大中遷翰林待制後累遷至亞中大夫侍儀使

### 朶兒赤

朶兒赤字道明西夏寧州人父幹扎篲世掌其國史  
初守西涼率父老以城降太祖有旨副撒都忽爲中  
興路管民官國兵西征運餉不絕無毫髮私時號曰  
滿朝清世祖卽位幹扎篲寢疾卒遺奏因高智耀以

是請謹奏爲節財用帝嘉納焉朶兒赤年十五通古  
注論語孟子尚書帝以四真子第多後逸欲試用之  
召見于香閣帝曰朕聞儒者多嘉言朶兒赤奏曰陛  
下聖明仁智奄有四海唯嘗親君子遠小人爾自古  
帝王未有不以小人而亡者惟陛下察焉帝曰朕於  
廷臣有幾直忠言未嘗不悅而受之違忤者亦未嘗  
加罪蓋欲養忠直而退諛佞也汝言甚合朕意因問  
欲何仕朶兒赤對曰西夏營田實占正區儻有補用  
則又妨耕作土瘠野曠十未墾一南軍屯桑以來子  
孫蕃息猶衆若以其成丁者別編入籍以實屯地則

地利多而兵有餘矣請為其總管以盡借畫帝可之  
乃按中興舊新民總管至官錄其子弟之壯者墾田  
塞黃河九口開其三流元三載賦額增倍詵轉營田  
使秩滿入覲帝大悅陞潼川府尹時公府無餘田采  
兒亦乃以官贖地給民視秩分畝而導其稅潼川任  
者有祿自此始未幾臺臣奏為雲南廉訪副使時雲  
南諸蠻叛僚佐悉稱故而去朵兒赤獨居守又八月  
省臣大懼歸符印欲遁朵兒赤乃白于梁王得赦而  
後出遷山南廉訪副使未幾復調雲南廉訪使會行  
省丞相帖木迭兒貪暴擅誅殺罪織安撫使法花魯  
丁將置于極刑朵兒赤謂之曰生殺之柄繫于天子  
汝以方面之臣而專殺意將何為小民罹法且必審  
覆况朝廷之臣耶法花魯丁竟獲免尋復其官棘夷  
與蠻相讐殺時省臣受賄助其報仇乃詐奏蠻叛起  
兵殺良民朵兒赤奏劾竟廢之卒年六十二卒于官子  
仁通為雲南省理問天曆二年三月雲南諸王與萬  
戶伯忽等叛仁通率官軍抗之沒於陳

和尚

和尚至耳別里伯牙吾台氏相哈刺察兒率所部歸  
太祖父忽都思普力通人成王辰從睿宗破金大將

合達軍于鈞州三峯山以功賜號拔都魯甲午金亡  
乙未授管軍百戶從攻宋唐鄧穎蔡襄陽郢復信陽  
完等州屢立戰功辛亥賜名馬文錦白金甲冑弓矢  
丙卯從攻漢上鐵城寨歿于軍贈竭忠宣力功臣資  
德大夫中書右丞上護軍沈國公謚武忠和尚襲父  
職己未從世祖攻鄂州中統三年李璫叛從國兵計  
之載老僧口斬獲甚衆陞阿剌罕萬戶府經歷至元  
五年攻襄陽軍務繁劇贊畫一有方都元帥阿朮薦其  
才可大用十一年從丞相伯顏渡江與宋軍戰于柳  
子魯狀新灘沈口伯顏上其功世祖嘉獎不已三

年從平章阿里海牙攻拔岳州取沙市至江陵宋安  
撫使高達城守拒戰和尚直抵城下諭以禍福達遂  
開門出降以功陞行省郎中從國兵圍潭州潭守臣  
李芾堅守攻之三月不下十二年城破芾死諸將利  
於擄畧欲屠其城和尚宣言曰拒我師者宋將耳其  
民何罪旣受其降卽是吾民殺之何忍且今列城多  
未附降而殺之是堅其效死之心也左丞崔斌曰郎  
中言是平章阿里海牙意亦與合遂從之一城之人  
賴以全活由是湖南諸群聞風皆下世祖聞之賞賜  
加厚改行省斷事官徇地廣西督前軍攻破靜江遂

兼行宣撫事廣西平授太中大夫常德路達魯花赤以治最聞擢嶺南廣西道提刑按察使時阿里海牙恃功頗驕恣和尚劾奏不少貸遷江南浙西道提刑按察使浙西宋故都民衆事繁在職惟務鎮靜人服其知大體卒于官年四十九贈宣忠守正功臣銀青光祿大夫司徒上柱國追封沈國公謚莊肅子千奴千奴以御史大夫月魯那延薦入見大安閣世祖念其功臣子卽以其父官授之拜武德將軍江南浙西道提刑按察使時江浙行中書省行御史臺皆治杭州千奴上言行省專控江浙在杭爲宜行臺總鎮江南

不宜偏在杭且兩大府並立勢偏則事窒情通則戾褻盍移行臺於要便之所後數年遂移行臺於江東遷山南湖北道提刑按察使二十六年加明威將軍遷淮西江北道提刑按察使時桑哥秉政擅權勢焰熏灼人莫敢言千奴乘間入朝見帝於柳林極陳其罪狀帝爲之改容未幾桑哥伏誅又上言其黨猶布中外宜早處分改立肅政廉訪司進廣威將軍授江北淮東道肅政廉訪使三十一年遷江東建康道肅政廉訪使丁祖母憂服闋東平大名諸路有諸王牧馬草地與民田相間互相侵冒有司視強弱爲予奪

連歲爭訟不能定乃命起于奴治之其訟遂息大德二年授大中大夫建康路總管未行奉詔使淮東西問民疾苦察官吏能否于奴勤于咨訪興利除害還奏軍民便宜三十事多見采用歷江西湖東江南湖北兩道廉訪使時中書平章伯顏等固位日久黨與衆盛所任之人徇情玩法綱紀漸壞于奴撫其實上于憲臺以聞伯顏等皆被黜前後七持憲節剛正不撓聞朝廷事有不便必上章極論未嘗以內外爲嫌七年授嘉議大夫大都路總管兼大興府尹馭治民有方以暇日正街衢表里巷國學興工尤盡其力

俄進通議大夫同僉樞密院事上疏言蒙古軍在山東河南者往戍甘肅跋涉萬里裝橐鞍馬之資皆其自辦每行必鬻田產甚則賣妻子戍者未歸代者當發前後相仍困苦日甚今邊陲無事而虛殫兵力誠爲非計請以近甘肅之兵戍之而山東河南前戍者官爲出錢贖其田產妻子庶使少有瘳也詔從之未幾遷叅議中書省事贊決機務精練明敏凡予祿之人由他道達者一切不用時論翕然稱焉成宗崩迎仁宗於潛邸奉武宗卽位危疑之際彌綸補益之功爲多拜榮祿大夫平章政事商議樞密院事左翼萬

戶府達魯花赤提調屯田事賜玉帶延祐五年乞致仕帝憫其衰老從其請仍給半俸終其身退居濮上築先聖宴居祠堂於歷山之下聚書萬卷延名師教其鄉里子弟出私田百畝以給養之有司以聞賜額歷山書院家居七年而卒年七十一贈推忠輔治功臣光祿大夫河南江北等處行中書省平章政事上柱國追封衛國公謚景憲子龍寶監察御史壽童洪澤屯萬戶早卒不蘭奚南臺御史觀音保襲洪澤屯萬戶孛顏忽都起進士知鄭州以治行第一入爲翰林國史院經歷

### 劉容

劉容字仲寬其先西寧青海人高祖阿華西夏王尙食西夏平徙西寧民於雲京容父海川在徙中後遂爲雲京人容幼穎悟稍長喜讀書其俗素尙武容亦善騎射然弗之好也中統初以國師薦入侍皇太子於東宮命專掌庫藏每退直卽詣國子祭酒許衡衡亦與進之至元七年世祖駐蹕鎮海聞容知吏事召至命權中書省掾事畢復前職以忠直稱十五年奉旨使江西撫慰新附之民或勸其頗受送遺歸賂權貴人可立致榮寵容曰剝民以自利吾心何安使還

惟載書籍數車獻之皇太子忌嫉者從而讒之由是稍踈容然容亦終不辯會立詹事院容上言曰太子天下本苟不得端人正士左右輔翼之使傾邪側媚之徒進必有損令德聞者是之俄命爲太子司議改祕書監未幾出爲廣平路總管富民有同姓爭財產者訟連年不決容至取籍考二人父祖名字得其實立斷之爭者遂服皇子雲南王至汴其達魯花赤某欲厚欵以通賄于王容請自往乃減其費後以疾卒於官年五十二

迦魯納荅思

迦魯納荅思長吾兒人通天竺教及諸國語翰林學士承旨安藏扎牙荅思薦於世祖召入朝命與國師講法國師西番人言語不相通帝因命迦魯納荅思從國師習其法及言與字暮年皆通以畏吾字譯西天西番經論旣成進其書帝命鈐板賜諸王大臣西南小國星哈刺的威二十餘種來朝迦魯納荅思於帝前敷奏其表章諸國驚服朝議興兵討暹國羅斛馬八兒俱藍蘇木都刺諸國迦魯納荅思奏此皆蕞爾之國縱得之何益興兵徒殘民命莫若遣使諭以禍福不服而攻未晚也帝納其言命岳刺也奴帖滅

等往使降者二十餘國至元二十四年丞相桑哥奏  
爲翰林學士帝曰迦魯納荅思之官非汝所當奏也  
旣而擢翰林學士承旨中奉大夫遣侍成宗於潛邸  
且俾以節飲致戒成宗卽位思其忠遷榮祿大夫大  
司徒憐其老命乘車入殿仁宗卽位廷議汰冗官獨  
迦魯納荅思爲司徒如故仍加開府儀同三司賜王  
鞍一是年八月卒

### 闊里吉思

闊里吉思蒙古按赤兀氏曾祖八思不花從攻乃蠻  
欽察兀羅思馬扎兒回回諸國常爲先鋒破敵太祖

嘉之賜以虎符及諭降豐州雲州擢充宣撫使祖忽  
押忽辛襲職佩虎符憲宗嘗語之曰汝所佩金符舊  
矣何以旌世功命改製以賜之中統三年改河中府  
達魯花赤卒父藥失謀擢襄陽統軍司經歷改宿州  
達魯花赤皆不拜樞密副使字羅御史中丞木八剌  
引見世祖奏曰此忽押忽辛子也乞以其祖父虎符  
授之擢中順大夫金剛臺達魯花赤繼改光州屢遷  
安東州河中府及温州潞州以建康路達魯花赤致  
仕闊里吉思初以宿衛充博兒赤至元二十五年擢  
朝列大夫司農少卿賜金束帶遷中議大夫司農卿

陞資善大夫司農卽拜榮祿大夫行湖廣平章將兵討海南生黎諸峒寨又明年平之師還徵入見賜玉束帶金銀幣帛弓矢甲冑及寶鈔鞍勒得旨還鎮成宗卽位入見賜海東青鶻白鶻各二及衣服有差大德二年改福建行省平章未幾以福建隸江浙改福建道宣慰使都元帥陞征東省平章政事高麗刑政無節官冗民稀闊里吉思因悉加裁正以聞有旨徵入見俾條析便民事宜大德五年復拜湖廣平章踰年改陝西以目疾還京師加官至金紫光祿大夫雲南諸路行中書省左丞相卒年六十六子完澤湖廣右丞征廣西賊卒于軍

小雲石脫忽憐

八丹附

小雲石脫忽憐畏吾人仕其國爲吾魯愛兀赤猶華言大臣也太祖時與其父來歸從征回回國還事睿宗於潛邸真定睿宗分地以爲本路斷事官子八丹事世祖爲寶兒赤鷹房萬戶從征哈刺張有功賜男女各一人金一錠及銀甕等物征阿里不哥戰於昔門禿日三合殺獲甚衆賜金一錠後以鷹房萬戶從裕宗北征至鎮海你里溫賜銀椅及鈔一萬五千貫命歸守真定未幾命行省揚州八丹辭曰臣自幼未

嘗去陛下願留侍左右改隆興府達魯花赤遙授中書右丞論之曰是朕舊所居汝往居之八丹又辭帝不允居三年海都叛奉旨從甘麻刺太子往征之師還以功賜金一錠卒贈銀青光祿大夫司徒子阿里鷹房千戶石得安西王相府官德眼汝定府達魯花赤阿散甘肅行省平章政事獵真由會同館使同知通政院有政蹟官至榮祿大夫中書省平章政事兼翰林學士承旨通政院使卒子察乃金紫光祿大夫中書省平章政事察乃子十人老章知樞密院事撒馬篤中書省叅知政事

### 幹羅思

幹羅思康里氏曾祖哈失伯要國初欵附爲莊聖太后宮牧官祖海都從憲宗征釣魚山歿于陣父明里帖木兒世祖時爲必闡赤後爲太府少監幹羅思至元十九年爲內府必闡赤二十一年拜監察御史遷雲南行省理問領雲南王府事後以忤桑哥被譖籍其家唯金玉帶各一黃金五十兩皆上所賜者乃以公用係官孳畜加之罪帝曰口腹之事其寢之二十六年置八番羅甸宣慰司進嘉議大夫宣慰使時諸蠻叛服不常幹羅思平之乃立安撫等司以守焉二

十八年平楊都要等九月進中奉大夫錫虎符明年  
爲八番順元等處宣慰使都元帥賜三珠虎符大德  
六年授通奉大夫羅羅思宣慰使兼管軍萬戶進正  
奉大夫武宗立召還授資善大夫中書左丞領武衛  
親軍都指揮使大都屯田府事尋進榮祿大夫中書  
右丞兼翰林學史承旨仍領武衛屯田屢奉旨賜賞  
產第宅固辭遷四川行省平章政事至大二年召還  
以瘴癘卧病不起皇慶二年卒年五十有六贈光祿  
大夫益國公子博羅普化初直宿衛爲速古兒赤至  
大元年爲翰林侍講學士以父疾歸侍延祐四年復  
入侍爲速古兒赤扎撒孫至治元年爲速古兒赤五  
十人之長兼領皇后宮寶兒赤二年襲授河南府司  
知子察罕不花領其所掌宿衛天曆元年見文宗子  
汴入直宿衛爲溫都赤拜監察御史繼遷御史臺經  
歷中書右司郎中授中憲大夫隆禧總管府副達魯  
花赤

朶羅台

朶羅台唐兀氏祖小丑太祖既定西夏括諸色人匠  
小丑以業弓進賜名怯延兀蘭命爲怯憐口行營弓  
百戶徙居和林卒父塔兒忽台襲職阿里不哥叛

塔兒忽台從戰于失畝里禿之地死之朶羅台從萬戶也速解兒玉哇赤等累戰有功授前衛親軍百戶積官昭信校尉芍陂屯田千戶所達魯花赤後以疾退朶羅台之弟闊闊出亦業弓嘗獻所造弓帝稱善問其父何名闊闊出對曰塔兒忽台臣之父也帝見其狀貌魁偉且問其能射乎左右對曰能試之果然遂命爲近侍明年武備寺臣復以其弓獻且奏用之帝曰孔子言三綱五常人能自治而後能治人能齊家而後能治國汝可以此言論之而後用之俄擢爲大同路廣勝庫達魯花赤廣勝者貯兵器之所時總

管唐兀海牙以庫作公署寘甲仗於虛廩中多被蟲鼠之害闊闊出言於帝復之具責其償兵器之旣壞者使者薛綽不花納速魯丁以檄取鷹房軍衣甲弓矢若丁闊闊出責其入文書領去時憲副速魯蠻令毋入文書且命有司封鑰其庫將黜視之闊闊出不從事聞帝命答速魯蠻罷之大德元年陞大同路武州達魯花赤兼管本州諸軍與魯勸農事又監建州利州改僉四川道廉訪司事拜監察御史累官中大夫夫寧路總管卒于官朶羅台之子脫歡初直宿衛歷御史臺譯史拜監察御史遷四川行省左右司員

外郎四川廉訪司僉事樞密院都事陞斷事官其在四川時嘗上疏曰內外修寺雖支官錢而一椽一瓦皆勞民力百姓嗟怨感傷和氣宜且停罷仍減省供佛飯僧之費以紓國用如此則上應天心下合民志不求福而福自至矣回回戶計多富商大賈宜與軍民一體應役如此則賦役均矣爲國以善爲寶凡子女玉帛羽毛齒革珍禽奇獸之屬皆喪德喪志之具今後回回諸色人等不許賣寶中賣以虛國用違者罪而沒之如此則富商大賈無所施其奸僞而國用有畜積矣其辭懇直剴切當時稱之

也先不花

也先不花蒙古怯烈氏祖曰昔刺幹忽勒兄弟四人長曰脫不花次曰怯烈哥季曰哈刺阿忽刺方太祖徵時怯烈哥已深自結納後兄弟四人皆率部屬來歸太祖以舊好遇之特異他族命爲必闡赤長朝會燕饗使居上列昔刺幹忽勒早世其子孛魯歡幼事睿宗入宿衛憲宗卽位與蒙哥撒兒密贊謀議拜中書右丞相遂專國政賜真定之束鹿爲其食邑至元元年以黨附阿里不哥論罪伏誅子四人長曰也先不花次曰木八刺初立御史臺爲中丞次曰荅失蠻

累官至銀青榮祿大夫次日不花帖木兒拜榮祿大夫四川省平章政事也先不花初世其職爲必闡赤也先不花吾舊臣子孫端方明信閑習典故爾每事問之必不使爾爲不善也二十三年拜上柱國光祿大夫雲南諸路行中書省平章政事時阿郎可馬丁諸種爨夷爲變討平之遂立登雲等路府州縣六十餘所得戶二十餘萬官其酋長定其貢稅邊境以寧大德二年遷湖廣行省平章爲政不怒而威不察而明大事集議衆論不齊徐決一言切中事理咸出人

意表會汴梁行省有妖獄飛語連湖廣平章政事劉漢傑右丞燕公楠朝廷譯召二人者入二人與也先不花嘗有違言也先不花急遣使附奏明其無他二人皆得釋八年遷平章河南行省河決落黎堤勢甚危督有司先士卒以修之汴以無患九年進拜上柱國銀青榮祿大夫湖廣等處行中書省左丞相賞賜無虛月方面以安至大二年卒天曆二年贈推忠守正佐運翊戴功臣太師開府儀同三司上柱國恒陽王謚文貞子五人曰亦憐真曰秃魯曰荅思曰怯烈曰按攤亦憐真事裕宗於東宮爲家令累拜銀青榮

祿大夫湖南等處行中書省左丞相延祐元年卒天曆元年贈推誠輔治宣化保德功臣太傅開府儀同三司上柱國追封武昌王謚忠定禿魯歷事四朝廷家宗王府也可扎魯花赤拜開府儀同三司中書右丞相御史大夫太傅錄軍國重事薨天曆二年贈懷忠秉義昭宣弼亮功臣太師開府儀同三司上柱國追封廣陽王荅思仕至資德大夫湖南宣慰使怯烈仕至中政使按攤事成宗薨長宿衛有旨給七乘傳使往侍其父也先不花于湖廣諸道憲司以按攤孝行聞拜中奉大夫海北海東宣慰使都元帥海康

與安南占城諸夷接境海島生黎叛服不常按攤望素著夷人帖服生黎王高等二十餘洞皆願輸貢稅在鎮期年以省親辭去至大二年拜資德大夫中書右丞行浙東道宣慰使司都元帥未幾奔父喪于武昌以哀毀致疾卒天曆二年贈秉義效忠著節佐治功臣太保開府儀同三司上柱國追封特進趙國公謚忠貞孝子阿榮由宿衛起家湖南道宣慰使歷拜奎章閣大學士榮祿大夫太禧宗禋禮部尚書典制神御殿事

順治戊戌年十月初八日

江寧府儒學教授朱謨校

元史卷第二十一

元史卷第二十一

元史一百三十五

皇明輟學書帝大姤山劉謙修國之果顯翰林待制李丁員制葉國聖院

鐵哥木

鐵哥木高昌人世居五城後徙京師曾祖父達釋有謀畧為國人所信服太祖西征高昌國主懼以錦衣白貂帽召達釋與謀達釋知天命有歸勸其主執贄稱臣以安其國由是號為尚書太祖班師諸王言於帝曰達釋之子野里木駙男善戰所將部落又強大聞其人毒思率衆効順而未有機便盡收之手太祖

是其議即詔給驛馬五百迎與俱來既至引見甚器  
重之丙午太祖西征野里木別從親王按只台與敵  
戰有功甚見親遇玉方以絳蓋障日而坐及聞野里  
木議事喜見顏色稱善文之既退撤其蓋送之十里  
遂得兼長四環衛之必爾赤壬辰從國兵討金以戰  
功最多賞賚優渥甲午剽忽都克籍漢戶口籌其賦  
役分諸功臣以地人服其敏鐵哥木野里木長子也  
尤沉鷲有才嘗有擁兵叛者鐵哥木率族人與戰于  
魚兒梁時軍興簿檄繁急鐵哥木一以其國書識之  
無失者帝嘉其忠焉至元中擢為隸州達魯花赤器

安府達魯花赤適土人蔡知府者以衆叛鐵哥木  
率衆先登冒矢石身被數槍猶戰不已遂討平之主  
將怒將屠其城鐵哥木請曰叛者蔡知府數人而已  
城中之人何預焉盍誅其黨與而止毋令濫及非辜  
主將嘉其誠懇城遂得全累官至嘉議大夫婺州路  
通魯花赤所在咸著政蹟大德己亥卒成宗勅其孫  
海壽載其柩歸葬京師贈榮祿大夫江淞行省平章  
政事柱國封雲國公謚簡肅子四人義堅亞禮幼給  
事裕宗宮至元十五年為中書省宣使嘗使河南適  
汴鄭大疫義堅亞禮命所在村郭構室廬備醫藥以

畜病者由是軍民全活者衆遷直省舍人承中書檄徵考上都儲待及還帝賜錦衣貂裘一襲以旌其能出爲湖州路達魯花赤卒于官月連木同知安陸府事八扎同知宣政院事孫九人海壽義堅亞禮子也由宿衛世祖朝累官至太中大夫杭州路達魯花赤招復流民有恩惠卒贈翰林直學士封范陽郡侯謚惠敏

### 塔出

塔出布兀刺子也幼孤長善騎射至元元年入侍世祖占對多稱旨賜以寶貨衣物四年給以察罕食邑賦稅之半又還其所俘通戶三十七年降金虎符授

昭勇大將軍山東統軍使鎮莒密膠沂郟宿卽墨等城設方略謹斥候宋人不敢北嚮九年詔更統軍司爲行樞密院改僉樞密院事數將兵攻下瀕淮堡柵略地漣海獲人畜萬計宋人蔣德勝來降塔出表言宜加賞賚以勸來者於是賜黃金五十兩白金倍之十年改僉淮西等處行樞密院事城正陽以扼淮海諸州兵宋陳奕率安豐廬壽等州兵數撓其役塔出選精銳日十數戰奕遁去卒城正陽宋人復造戰艦於六安欲攻正陽塔出詢知之率騎兵焚其艦餽

饑久不繼出兵據險潛取安豐麥以餉軍宋兵壁橫  
河口塔出將奇兵大破之十一年朝議淮上諸郡宋  
之北藩城堅兵精攻之不可猝下徒老我師宜先渡  
江剪其根本留兵淮甸絕其救援則長江可乘虛而  
渡也於是塔出爲鎮國上將軍淮西行省叅知政  
事帥師攻安豐廬壽等州俘生口萬餘來獻賜蒲萄  
酒二壺仍以曹州官園爲第宅給城南閑田爲牧地  
宋夏貴帥舟師十萬圍正陽決淮水灌城幾陷帝遣  
塔出往救之道出潁州遇宋兵攻潁戍卒僅數百人  
盛暑塔出卽發公庫弓矢驅市人出戰預度潁之北  
關攻易破乃急徙民入城伏兵以待是夜宋人果焚  
北關火光屬天塔出率衆從暗中射之矢下如雨宋  
軍退走至沙河大破之溺死者不可勝計明日長驅  
直走正陽時方霖雨突圍入城遂堅壁不出俄復開  
霽與右丞阿塔海分帥銳師以出渡淮至中流皆殊  
死戰宋軍大潰追數十里斬首數千級奪戰艦五百  
餘艘遂解正陽之圍塔出乃上奏方事之殷以明賞  
罰俾將士有所懲勸帝納其言頒賞有差秋八月淮  
西行省復爲行院塔出引兵渡淮屯廬揚間十二年  
從丞相伯顏以舟師與宋軍戰宋軍大潰其臣賈似

道奔揚州遂分兵四出克池州取太平順流東下至建康丹徒江陰常州皆望風迎降時揚州未附謀告揚州人將夜襲丹徒守將乞援塔出設伏以待揚州軍果夜至塔出扼西津邀擊之殺獲溺死者甚衆入朝帝賜玉帶旌其功授淮東左副都元帥仍佩金虎符十三年加通奉大夫參知政事領淮西行中書省事時沿淮諸州新附塔出禁侵掠撫瘡痍練士卒備姦宄境內帖然俄遷江西都元帥征廣東塔出宣布恩信所至溪洞納款廣東遂平十四年加賜雙虎符爲江西宣慰使宋益王昰廣王昺走保嶺海復改江

西宣慰司爲行中書省遷治贛州授塔出資政大夫中書左丞行中書省事十五年以二王事入議帝命張弘範李恒總兵進討塔出留後以供軍費初江西甫定帝命隳其城塔出卽表言豫章諸郡皆瀕江爲城霖潦泛溢無城必至墊溺隳之不便帝從之降附之初有謀畔者旣敗獲矣塔出謂同僚曰撫治乖方之所致也中間豈無誣誤止誅其渠魁盡釋餘黨瑞州張公明愬左丞呂師夔謀爲不軌塔出廉知其誣曰狂夫欲脅求貨耳若以矇昧言遽聞之朝廷則大獄茲興連及無辜且師夔旣居相職詎肯爲狂妄之

事若遲疑不決恐彼驚疑反生異謀乃斬公明而後  
聞帝是之十七年入覲賜勞有加復命行省於江西  
尋以疾卒於京師時年三十七妻明理氏以貞節稱  
旌其門閭二子長宰牙襲爵中奉大夫江西宣慰使  
次泌宰牙仕至征東行中書省左丞妻伯牙倫泰安  
郡武穆王索魯歡之女亦守義有賢行

### 塔里赤

塔里赤康里人其父也里里白太祖時以武功授帳  
前總校奉旨南征至洛陽得唐白樂天故址遂家焉  
塔里赤幼穎異好讀書尤善騎射襲父職參佐戎幕

調度軍馬動合事宜行省奏克斷事官時南北民戶  
主客良賤雜揉蒙古軍牧馬草地互相占據命塔里  
赤至其地理之軍民各得其所由是世祖知其能俾  
領蒙古軍圍樊襄塔里赤躬冒矢石所向摧陷樊城  
破襄陽降從丞相伯顏渡江駐臨安尋命平章奧魯  
赤等分爲六路追襲宋二王塔里赤領軍至福建所  
過秋毫無犯降者如歸宋都統陳宗榮率衆來降以  
功遷福建招討使時諸郡盜起其最盛者陳吊眼擁  
衆五萬陷漳州行省承制命塔里赤爲閩廣大都督  
征南都元帥總四省軍復漳州生擒陳吊眼戮于市

餘黨悉伏誅繼從征交趾擊敗黃聖許等積功加鎮國上將軍三珠虎符廣西兩江道宣慰使都元帥賀州盜起塔里赤討平之改福建宣慰使又改淞東金瘡發卒贈輔國上將軍淞東道宣慰使都元帥護軍追封臨安郡公子二人脫脫木兒邵武汀州新軍萬戶府達魯花赤萬奴廣西宣慰使都元帥

### 塔海帖木兒

塔海帖木兒答答里帶人其先在太祖時事國王木華黎將左手大萬戶下蒙古軍鎮太原以西八州破金將王公佐軍斬公佐從攻陝右征河西滅金皆有

功賜種田戶二百七十曾祖忒木勒哥嗣從都元帥塔海帖木兒征蜀死於興元祖扎刺帶嗣扎刺帶卒父拜答兒尚幼從祖扎里答木相繼襲其職扎里從都元帥大答征蜀以所統軍二百人破宋軍于巴州斬首三百級生擒五十餘人答木以西川行樞密院檄領兵三千人救碉門大敗宋軍斬首三百餘級俘百餘人以歸拜答兒既長始以父官從行省也速帶兒征建都死軍中塔海帖木兒襲父職初從行院忽敦圍嘉定嘉定降進圍重慶守將張珏出師迎敵塔海帖木兒力戰陷陣功最多十五年又以都魯軍二百

人破宋軍於白水江奪戰船一俘其衆十三人陞宣武將軍管軍總管從也速答兒征亦奚不薛又從征都掌蠻皆以爲前鋒殺獲甚衆九溪蠻散猫大盤蠻尚木的世用等叛從行省曲立吉思帥師往討皆擒之及殺其酋長頭狗等也速答兒藥刺罕率兵萬人會雲南兵討烏蒙蠻至開竈其酋長阿蒙率五百餘衆奔麻布蠻地塔海帖木兒以四百人追至山箐中大敗之擒阿蒙以歸二十六年又從也速答兒西征不知所終

口兒吉

口兒吉阿速氏憲宗時與父福得來賜俱直宿衛領阿速軍二十戶世祖時口兒吉以百戶從元帥阿朮伐宋有功賜以白金等物宋平命充太宗正府也可扎魯花赤領阿速軍從征海都以功受上賞師還成宗命宣撫湖廣等處訪求民瘼還仍舊職至大元年武宗命充左衛阿速親軍都指揮使進階廣威將軍四年卒子的迷的兒由玉典赤改百戶領阿速軍從指揮玉爪失征叛主乃顏却金剛奴軍于鑲寶直之地降哈丹禿魯于累以功受賞至大四年襲父職授明威將軍阿速親軍都指揮使子香山事武宗仁宗

直宿衛天曆元年九月兵興從戰宜興擊殺敵兵七  
人自旦至暮却敵兵凡一十三處以功賜金帶一授  
左阿速衛都指揮使

忽都

忽都蒙古兀羅帶氏父孛罕事太祖備宿衛至太宗  
時爲鎮西行省領蒙古漢軍從攻河中潼關河南與  
拜只思扎忽及阿思蘭攻秦鞏及仁和諸堡又與拜  
只思守京兆歲乙未授左手萬戶從都元帥答海鉗  
卜出征卒軍中憲宗命忽都將其軍從都元帥大答  
攻巴州又從都元帥紐璘渡馬湖江破宋叙州兵於

老君山下中統元年宋將以舟師二千犯成都新津  
忽都逆擊敗之斬首百五十級至元元年授蒙古漢  
軍總管二年從都元帥百家奴敗宋將夏貴於懷安  
五年卒子扎忽帶時在宿衛弟忽都荅立襲其職忽  
都荅立卒扎忽帶嗣爲千戶從行樞密院圍重慶重  
慶守張位遣勁兵數千出挑戰扎忽帶力戰大破之  
回軍圍瀘州未下行樞密院遣入朝計事授宣武將  
軍管軍總管復還攻瀘登城與瀘兵搏戰而歿子阿  
都赤嗣

孛兒速

元史及傳卷三十一 九  
李兒速脫忒氏世祖時直宿衛扈駕征哈刺章還  
帝駐蹕高阜見河北有駕舟而來者顧謂左右曰是  
賊也奈何李思速進曰臣請禦之卽解衣徑渡揮戈  
刺歿舟尾二人孥其舟就岸舟中之人倉惶失措帝  
命左右悉擒之哈刺章平以功論賞子荅荅呵兒從  
征孛可有功由宿衛陞武德將軍揭只揭烈温千戶  
所達魯花赤從征叛王乃顏也不干等奮戈擊歿數  
人擒也不干收其所管欽察之民武宗時進懷遠大  
將軍元帥卒

月舉連赤海牙

月舉連赤海牙畏兀兒從憲宗征釣魚山奉命修趨  
藥以療師疫賞白金五十兩繼從太子滿哥都征雲  
南戰數勝中統三年火都暨荅離叛領兵與許平之  
至元十二年佩虎符爲隴右河西道提刑按察使兀  
朗孩火石顏謀亂從皇太子安西王徃鎮之皇太子  
賜以白金五十兩十五年與伯速帶平土魯皇子復  
賜金衣腰帶金椀且以其功聞十七年進官嘉議大  
夫仍居舊職二十年進中奉大夫四川等處行中書  
省參知政事尋以疾歸秦州大德八年卒至順中贈  
推忠宣力定遠功臣資善大夫陝西行省左丞護軍

追封威寧郡公謚襄靖

### 阿荅赤

阿荅赤阿速氏父昂和思憲宗時佩虎符爲萬戶阿荅赤扈從憲宗南征與敵兵戰于劔州以功賞白銀阿里不哥叛從也兒怯等征之有功世祖中統三年從征李璫身二十餘戰累功授金符千戶丞相伯顏平章阿朮之平江南也阿荅赤皆在行中著戰功殲于陳帝憐之特賜鈔七十錠白金五百兩爲葬具仍賜鎮巢之民一千五百二十九戶命其子伯荅兒襲職伯荅兒從別急列迷失北征與兇吉刺只兒是台

戰于牙里伴朶之地以功受上賞尋進定遠大將軍後衛都指揮使兼右阿速衛事將阿速軍往征別失八里與敵兵累戰累捷樞密臣以其功聞賞白金貂裘弓矢鞍轡等尋復以銀坐椅賜之子幹羅思由宿衛陞僉隆鎮衛都指揮使司事賜一珠虎符天曆元年論降上都軍凡若干數特賜三珠虎符陞本衛都指揮使

### 明安

明安康里氏至元十三年世祖詔民之蕩析離居及僧道漏籍諸色人不當差徭者萬餘人充貴赤今明

安領之明安歲扈駕出人克勤于事二十年授定遠  
大將軍中衛親軍都指揮使明年賜佩虎符領貴赤  
軍北征又明年立貴赤親軍都指揮使司命爲本衛  
達魯花赤尋奉旨領蒙古軍八千北征明年至別失  
八刺哈思之地與海都軍戰有功二十六年冬十二  
月別乞憐叛劫取官站脫脫火孫塔刺海等明安率  
衆追擊之五戰五捷悉還之至杭海強民闕闕台撒  
兒塔台等率衆作亂奪三站地劫脫脫火孫明安引  
兵又追擊之却其軍二十七年秋七月布四麻當先  
別乞失出春伯駙馬兀者台朶羅台兀兒荅兒塔里

雅赤等掠四怯薛牛馬畜牧及劫滅烈太子昔博赤  
并幹脫布伯各投下民殆盡明安將兵追擊于汪吉  
昔博赤之城賊軍敗走還所掠之民并獲其牛馬畜  
牧等以歸時出伯伯都所領軍乏食奉旨以明安所  
獲畜牧濟之二十九年以功陞定遠大將軍貴赤親  
軍都指揮使司達魯花赤特別失八刺哈孫盜起詔  
以兵討之戰于別失八里禿兒古闌有功賊軍再合  
四千入於忽蘭兀孫明安設方畧與戰大敗之大德  
二年復將兵北征與海都戰七年歿于軍子曰帖哥  
台曰孛蘭奚帖哥台初爲昭勇大將軍貴赤親軍都

指揮使司達魯花赤及改充萬戶則以其叔父脫迭  
出代之帖哥台後以萬戶改中衛親軍都指揮使進  
銀青榮祿大夫平章政事子曰普顏忽里曰善住普  
顏忽里懷遠大將軍貴赤親軍都指揮使司達魯花  
赤善住初直宿衛歷中書直省舍人諸色人匠達魯  
花赤遷奉議大夫僉中衛親軍都指揮使司事天曆  
元年九月賜佩一珠虎符從丞相燕帖木兒禦敵檀  
州等處又率其家人那海等一十一人自出乘馬與  
遼軍戰却其軍俘八十四人以歸丞相嘉之孛蘭奚  
昭武大將軍中衛親軍都指揮使積官銀青榮祿大

夫太尉子桑兀孫中衛親軍都指揮使桑兀孫卒弟  
乞荅海襲職

### 忽林失

忽林失八魯刺斛氏魯祖不魯罕罕劄事太祖從平  
諸國克八魯刺思干戶以其軍與太赤溫等戰重陽  
墜馬帝親勒兵救之以功陞萬戶賜黃金五十兩白  
金五百兩俾直宿衛祖許兒台年十五能馳射賊以  
勇畧稱從定宗欽察爲千戶領兵下西番從世祖伐  
宋至亳州與宋人迎敵敗之父瓮吉刺帶初爲軍器  
監官從世祖親征阿里不哥以功受上賞俄奉旨使

西域籍地產悉得其實帝方欲大用之而卒忽林失  
 初直宿衛後以千戶從征乃顏馳馬奮戈衝擊敵營  
 矢下如雨身被三十三創成宗親督左右出其鏃命  
 醫療之以其功聞世祖以克宋所得銀甕及金酒器  
 寺賜之命領大府監後以千戶從皇子闊闊出征  
 還留鎮軍中後從成宗與海都都瓦等戰有功成宗  
 嘉之特命為翰林承旨俄改萬戶與叛王幹羅思察  
 八兒等戰以功授榮祿大夫司徒賜銀印武宗嘗曰  
 羣臣中能為國宣力如忽林失者實鮮其厚賚之於  
 是遣使召見未幾武宗崩仁宗即位念其舊勳賞賚

特厚子撻不倫初奉興聖太后旨充千戶俄改充萬  
 戶代其父職尋罷歸其父所受司徒印及萬戶符於  
 有司仍直宿衛致和元年秋八月在上都思武宗之  
 恩與同志合謀奉迎文宗會同事者見執乃率其屬  
 奔還大都特賜龍衣一襲命為通政院使天曆元年  
 九月同丞相燕帖木兒敗王禪等兵于紅橋又戰于  
 白浮又戰于昌平東又戰于石槽帝嘉其功拜榮祿  
 大夫知樞密院事以世祖常御金帶賜之

失刺拔都兒

失刺拔都兒阿速氏父月魯達某憲宗時領月達子

人入顯元阿塔赤從世祖至哈刺之地戰數勝兀里  
羊哈台以其功聞賜所得人一口以賞之後以金  
簽卒失判獲見至自脫別之地帝特賜白金指幣  
牛馬等物至元二十一年從丞相伯顏南征有功仍  
充阿塔赤帝命放海青曰能獲新者賞之失刺殺  
都兒即獲弓射下兎二禽以獻賞沙魚皮雜帶及貂  
裘且命於尚乘寺為少卿於阿速為千戶二十四年  
授武界將軍管阿速軍千戶賜金符乃顏叛從諸三  
和元魯征之力戰有功乃顏平帝賞以金腰帶  
銀交城武德將軍尚乘寺卿兼阿

速千戶征哈谷安等敗之獲其駝馬等物成宗  
功以軍二千益之討叛王脫脫擒之以功受賞大德  
六年卒子那海產襲其職至大二年進宣武將軍右  
衛阿速親軍都指揮使賜三珠虎符泰定二年覃加  
明威將軍

徹里

徹里阿速氏父別吉八在憲宗時從攻釣魚山以功  
受賞徹里事世祖克火兒赤從征海都奮戈擊其前  
鋒官軍二人陷陳掖而出之以功受賞後從征杭海  
獲其牛馬畜牧悉以給軍食帝嘉之賞鈔三千五百

錢仍以分資士卒成宗時盜據博落脫兒之地命將  
兵討之獲三千餘人誅其酋長還奉命同客省使該  
都兒等往八兒胡之地以前所獲人口畜牧悉給其  
主軍還帝特賜鈔一百錠武宗居潛邸亦以銀酒器  
賞之至大二年立左阿速衛授本衛僉事賜金符皇  
慶二年從湘寧王北征以功賜一珠虎符子失列門  
直宿衛致和元年秋八月從知院脫脫木兒至潮河  
川獲兇者八都兒愛的斤等十二人戮八人執四人  
歸京師復於宜興遇失刺乃馬台等迎戰奮戈擊死  
二人以功賞白金指幣天曆元年從擊元滿台兒之

兵一兩家店殺其四人復以功受賞從  
其西人十一月又追殺十二人于檀子小  
衛阿速親軍都指揮使司僉事  
曷刺

曷刺元速兒吉氏至元九年見世祖詔入太官直從  
討叛王乃顏賜白金指幣甲冑橐駝鞍馬以其不堪  
使遠成宗時使高麗使和林使江西福建不失使指  
授忠勇校尉中書直省舍人出監息州遷奉訓大夫  
武宗詔曰曷刺世祖舊臣可授奉議大夫都水監卿  
明年加嘉議大夫又明年佩金虎符兼直東水驍

元史列傳卷二十二  
女直 萬戶府達魯花赤延祐元年特授資善大夫遼  
陽等處行中書省左丞仍監其軍三年召還特授榮  
祿大夫大司農辛年六十三贈推誠宣力保德功臣  
太師 開府儀同三司上柱國追封劄國公諡安穆子  
不花 宿衛仁宗潛邸及即位特授中順大夫中書直  
省舍人改客省副使遷太中大夫典瑞太監改左司  
官外郎參議中書省事拜中奉大夫中書參知政事  
資德大夫宣徽副使同知宣徽事改典瑞院使兼世  
真父 監軍佩金虎符改翰林學士至治元年仍翰林  
學士 監軍領東蕃諸部奏事

乞台

乞台察台氏至元二十四年爲欽察衛百戶從土土  
哈征叛王失烈吉及乃顏有功賜金符陞千戶從征  
忽刺出戰于阿里台之地元貞二年以疾卒子哈贊  
赤襲職從劄兀兒於魁烈兒之地與哈答安戰有功  
大德五年從戰杭海從武宗親征哈刺阿答復從劄  
兀兒征不別八憐爲前鋒以功受賞賚皇慶二年授  
金符爲千戶明宗居潛邸延祐四年命從西征與禿  
滿帖木兒戰于失刺塔兒馬失之地以功復受厚賞  
居其地十五年天曆二年賜金符授昭勇大將軍同

知大都督府事卒

脫因納

脫因納答答義氏世祖時從征乃顏以功受上賞大德七年授欽察衛親軍千戶所達魯花赤武德將軍賜金符八年改太僕少卿十年遷阿兒魯軍萬戶府達魯花赤易金虎符進階懷遠大將軍尋改中奉大夫太僕少卿仍兼前職至大二年拜甘肅行尚書省參知政事通奉大夫四年入爲太僕卿陞正奉大夫皇慶元年授阿兒魯萬戶府襄陽漢軍達魯花赤仍領太僕卿延祐三年拜資德大夫甘肅行中書右丞

至治二年改通政使轉會福院使尋復通政致和元年分院上都秋八月爲倒刺沙所殺文宗卽位特贈宣力守義功臣榮祿大夫上柱國中書平章政事追封異國公諡忠景有子曰定童只沈哈朗定童襲父職阿兒魯萬戶府襄陽萬戶府漢軍達魯花赤佩金帟符明威將軍只沈哈朗初授欽察親軍千戶所達魯花赤佩金符武畧將軍改授朝列大夫通政院副使歷同知陞院使積官中奉大夫

和尚

和尚蒙古乃蠻台氏祖海速充昔烈木千戶所蒙古

元史列傳卷三十一  
軍百戶伯父兀魯不花初充蒙古軍五十戶至元七年從昔烈木千戶南征以功命權百戶從僉省阿速海牙攻樊城十一年從攻新城又從攻鄂東門攻處州屢立戰功二十五年賜銀符授敦武校尉後衛親軍百戶是年秋卒父怯烈吉襲怯烈吉卒和尚襲至大三年進忠翊校尉後衛親軍副千戶賜金符延祐二年江西寧都寇起殺守土官吏從元帥乞住等總兵討之生擒賊酋蔡五九誅之擣其巢穴致和元年八月西安王以兵討倒刺沙命從丞相燕帖木兒擒烏伯都刺分兵備禦大曆元年九月從戰通州以功

賞名馬從擊犯紅橋之兵手戈刺死二人敗之奪紅橋及紐鄰澤大夫等力戰於白浮殺其四人和尙白丞相曰兩軍相戰當有辨今號纓俱黑無辨我軍且易以白丞相然之戰于昌平栗園殺二人又與亞失活木兒戰于石槽殺三人十月從擊禿滿台兒於檀州南桑口敗之又從丞相追擊其軍于檀州之北有十一月命領八衛把總金鼓都鎮撫司事



编码错误

卷首应为136

列傳卷第二十三

元史一百三十七

南京國子

監

祭

酒黃儒炳

司

業葉

燦

補刊

哈刺哈孫

哈刺哈孫幹刺納兒氏曾祖啓昔禮始事王可汗脫  
幹璘王可汗與太祖約為兄弟及太祖得衆陰忌之  
誅害太祖啓昔禮潛以其謀來告太祖乃與二十餘  
人一夕遁去諸部聞者多歸之還攻滅王可汗併其  
衆擢啓昔禮為千戶賜號答刺罕從平河西西域諸  
國祖博理察太宗時從太弟睿宗攻河南取汴蔡滅

金賜順德以爲分邑父囊加台從憲宗伐蜀卒于軍  
哈刺哈孫威重不妄言笑善騎射工國書又雅重儒  
術至元九年世祖錄勲臣後命掌宿衛襲號答刺罕  
自是人稱答刺罕而不名帝嘗諭之曰汝家勲載王  
府行且大用汝矣又語皇太子曰答刺罕非常人比  
可善遇之十八年割欽廉二州益其食邑二十二年  
拜大宗正用法平允審錄冤滯所活數百人時相請  
以江南獄隸宗正哈刺哈孫曰江南新附教令未孚  
且相去數千里欲遙制其刑獄得無冤乎事遂止二  
十八年拜榮祿大夫湖廣行省平章政事臺臣言其

在宗正決獄平卽去恐難其繼者帝曰湖廣之地朕  
嘗駐蹕非斯人不可遂行時江湖間盜賊出沒剽取  
商旅貨財哈刺哈孫至則發卒悉擒誅之水陸之途  
始皆無梗初樞密置行院於各省分兵民爲二奸人  
植黨自蔽後因入覲極陳其不便帝爲罷之因問曰  
風憲之職人多言其撓吏治信乎對曰朝廷設此以  
糾奸慝貪吏疾之妄爲謗耳帝然其言三十年平章  
劉國傑將兵征交趾哈刺哈孫戒將吏無擾民會有  
奪民魚萊者杖其千戶軍中肅然俄有旨發湖湘富  
民萬家屯田廣西以圖交趾哈刺哈孫密遣使奏曰

元史及傳卷三十三  
一  
往年遠征無功瘡痍未復今又徙民瘴鄉必將怨叛  
吏莫知其奏抱卷請署弗答吏再請則曰姑緩之未  
幾使還報罷民皆感悅及廣西元師府請募南丹五  
千戶屯田事上行省哈刺哈孫曰此土著之民誠爲  
便之內足以實空地外足以制交趾之寇可不煩士  
卒而饋餉有餘卽命度地立爲五屯統以屯長給牛  
種農具與之湖南宣慰張國紀建言欲按唐宋末徵  
民間夏稅哈刺哈孫曰亡國弊政失寬大之意聖朝  
其可行耶奏止其議大德二年入朝上都成宗拜光  
祿大夫江浙行省左丞相視政七日徵拜中書左丞

相進階銀青光祿大夫旣拜命斥言利之徒一以節  
用愛民爲務有大政事必引儒臣雜議京師久闕孔  
子廟而國學寓他署乃奏建廟學選名儒爲學官采  
近臣子弟入學又集羣議建南郊爲一代定制五年  
同列有以雲南行省左丞劉深計倡議曰世祖以神  
武一海內功蓋萬世今上嗣大歷服未有武功以彰  
休烈西南夷有八百媳婦國未奉正朔請往征之哈  
刺哈孫曰山嶠小夷遼絕萬里可諭之使來不足以  
煩中國不聽竟發兵二萬命深將以往道出湖廣民  
疲於餽餉及次順元深脅蛇節求金三千兩馬三千

正蛇節民不堪舉兵圍深於窮谷因首尾不能相揅  
事聞遣平章劉國傑往援擒蛇節斬軍中然士卒存  
者纔十一二轉餉者亦如之迄無成功帝始悔不用  
其言會赦有司議釋深罪哈刺哈孫曰微名首釁喪  
師辱國非常罪比不誅無以謝天下奏誅之七年進  
中書右丞相嘗言治道必先守令近用多不得其人  
於是精加遴選定官吏賊罪十二章及丁憂婚聘盜  
賊等制禁獻戶及山澤之利每歲車駕幸上都哈刺  
哈孫必留守京師時帝弗豫制出中宮羣邪黨附哈  
刺哈孫以身匡之天下晏然十年加開府儀同三司

監修國史置僚屬冬十二月帝寢疾薦甚入侍醫藥  
出總宿衛藩王欲入侍疾者不聽日理機務如故十  
一年春成宗崩時武宗撫軍北邊仁宗侍太后在懷  
慶諸奸臣謀斷北道請成后垂簾聽政立安西王阿  
難荅哈刺哈孫密遣使北迎武宗南迎仁宗悉收京  
城百司符印封府庫稱疾卧闕下內指日數至並不  
聽文書皆不署衆欲害之未敢發及仁宗至近郊衆  
猶未知也三月朔列牘請署后決以三月三日御殿  
聽政乃立署之衆大喜莫知所爲明日迎仁宗入執  
左丞相阿忽台及安西王阿難荅等就誅內難悉平

自冬至春未嘗一至家休沐夏五月武宗至自北卽  
皇帝位拜太傅錄軍國重事仍總百揆賜宅一匡以  
其子脫歡入侍初仁宗之入也阿忽台有勇力人莫  
敢近諸主禿剌實手搏之以功封越王三宮盡幸其  
第賜與甚厚以慶元路爲其食邑哈刺哈孫力爭之  
曰祖宗之制非親王不得加一字之封禿剌踈屬豈  
得以一日之功廢萬世之制哉帝不聽禿剌因譖於  
帝曰方安西王謀干大統哈刺哈孫亦嘗署文書由  
是罷相出鎮北邊詔曰和林爲北邊重鎮今請部降  
者又百餘萬非重臣不足以鎮之念無以易哈刺哈

孫者賜黃金三百兩白銀三千五百兩鈔十五萬貫  
帛四萬端乳馬六十匹以太傅右丞相行和林省事  
太后亦賜帛二百端鈔五萬貫至鎮斬爲盜者一人  
分遣使者賑降戶奏出鈔帛易牛羊以給之近水者  
教取魚食會大雪民無取得食命諸部置傳車相去  
各三百里凡十傳轉米數萬石以餉饑民不足則益  
以牛羊又度地置內倉積粟以待來者浚古渠溉田  
數千頃治稱海屯田教部落雜耕其間歲得米二十  
餘萬北邊大治至大元年賜大帳如諸王諸藩禮十  
一月寢疾語其屬曰吾不復能佐理國事矣行省之

務汝曹勉之毋貽朝廷憂薨年五十二帝聞之驚悼  
曰喪我賢相賻鈔二萬五千貫詔歸葬昌平追贈推  
誠履政佐運功臣太師開府儀同三司上柱國追封  
順德王謚忠獻子脫歡由太子賓客拜御史中丞襲  
號谷剌罕進御史大夫行臺江南尋拜平章行省江  
浙進左丞相兼領行宣政院重厚有父風喜讀書為  
政不尚苛暴得喪心致和元年卒于官年三十七子

繼靈

阿沙不花

阿沙不花者康里國王族也初太祖拔康里時其祖

母苦滅古麻里氏新寡有二子曰曲律牙牙皆幼而  
國亂家破無所依欲去而歸朝廷念無以自達一夕  
有數駝皆重負突入營中驅之不去旦乃繫駝營外  
置所負其旁夜復納營中候有求者歸之如是十餘  
日終無求者乃發視其裝皆西域重寶驚曰殆天欲  
資我而東耶不然此豈吾所宜有遂驅馳載二子越  
數國至京師時太祖已崩太宗立盡獻其所有帝深  
異之命有司治邸舍具廩餼以居焉居二年聞國中  
已定謁帝欲歸帝曰汝昔何為而來今何為而去且  
問其所欲對曰臣妾昔以國亂無主遠歸陛下今賴

陸下威德聞國已定欲歸守墳墓耳妾惟二子雖愚無知願留事陛下帝大喜立召二子入宿衛而禮遣之後十三年復來則二子已從憲宗伐蜀矣逮至和寧聞憲宗崩諸將皆還而二子獨後心方以為憂過一古廟因入禱焉若聞神語連稱好好而不知其故問其國人通漢語者知為吉語還至舍則二子已至矣遂留居焉曲律無子牙牙後封康國王生六子阿沙不花最賢年十四入侍世祖世祖賜土田給奴隸使居興和之天城會西蕃遣使者有所奏請既諭遣之後數日帝問近侍諸大臣曰前日西使何請朕何

辭以遣諸大臣莫能對阿沙不花從傍代對甚詳悉帝因怒諸大臣曰卿等任天下之重如此反不若一童子耶嘗扈從上都方入朝而官草多露跣足而行帝御大安閣望而見之指以為侍臣戒一日故命諸門衛勿納阿沙不花阿沙不花至諸門衛皆不納乃從水竇中入帝問故以實對且曰臣一日不入侍身將何歸帝大悅更諭諸門衛聽其出入命飭四宿衛兵器無敢或慢復使掌門無敢闌入帝曰可用矣乃頽叛諸王納牙等皆應之帝問計將安出對曰臣愚以為莫若先撫安諸王乃行天討則叛者勢自孤矣

帝曰善卿試爲朕行之即北說納牙曰大王聞乃顏反耶曰聞之曰大王知乃顏已遣使自歸耶曰不知也曰聞大王等皆欲爲乃顏外應今乃顏既自歸矣是獨大王與主上抗幸主上聖明亦知非大王意置之不問然二三大臣不能無惑大王何不往見上自陳爲萬全計納牙悅許之於是諸王之謀皆解阿沙不花還報帝乃議親征命徵兵遼陽以千戶帥昔寶赤之衆從行乃乃顏平阿沙不花以大同興和兩郡當車駕所經有帷臺嶺者數十里無居民請詔有司作室嶺中徙邑民百戶居之割境內昔寶赤牧地使

耕種以自養從之阿沙不花既領昔寶赤帝復欲盡徙興和桃山數十村之民以其地爲昔寶赤牧地阿沙不花固請存三千戶以給鷹食帝皆聽納民德之至今飲食必祭至元三十年海都叛成宗以皇孫撫軍於北阿沙不花從行踰金山戰杭海有功成宗即位會大宗正扎魯火赤脫兒速以賊污聞詔鞠問之脫兒速伏罪就命代之成宗目之曰阿即刺阿即刺譯言烏羅王也有訴朱清張瑄陰私既抵罪帝遣兵馬都指揮使忽刺木籍沒其家以受賂誅更命阿沙不花往具以實聞賜宅一區鈔萬五千緡兼兩城兵

馬都指揮使事武宗時為懷寧王總軍漠北問今日材可大用者為誰對曰毋第脫脫將相才也無以易之遂命從行後果為名臣成宗崩安西王阿難答乘間謀繼大統成后及丞相阿忽合諸王迷里帖木兒皆陰為之助時武宗猶在北邊太后及仁宗亦在懷孟未至適武宗遣脫脫計事京師丞相哈刺哈孫令急還報武宗而成后已密諭通政使只兒哈即止其驛馬阿沙不花知事急與同知通政院事察乃謀作先日署文書給馬去只兒哈即聞脫脫已去方詰問吏閱案牘乃止太后及仁宗既至京師有言安西王

謀以三月三日偽賀仁宗千秋節因以舉事者附不花言之哈刺哈孫且曰先人昔勝於人者敗后一垂簾聽政我等皆受制於人矣不若先事而止哈刺哈孫曰善乃前二日白仁宗詐稱武宗遣使召安西王計事至即執送上都盡誅丞相阿忽合以下諸姦臣與哈刺哈孫皆居禁中仁宗以太子監國遣使北迎武宗而武宗遲迴不進遣使還報太后曰非阿沙不花往不可乃遣奉衣帽尚醢以往至野馬川見武宗備道兩宮意及陳安西王謀變始末且言太子監國所以備他變以待陛下臣萬死保其無他武宗大

悅解衣衣之拜中書平章政事軍國大事並聽裁決  
 因奏平內難之有功者燕只哥以下十人爲兵馬指  
 揮爲宜省舍人詔先奉蒲萄酒及錦綺還報兩宮仁  
 宗即日率羣臣出迎武宗入上都加阿沙不花  
 太尉依前平章政事命與丞相塔思不花還京  
 兵西王黨諸連坐囊加真等三十餘人皆釋之  
 出太府金分賜諸王貴戚及近侍方出朝見一  
 皇若有所懼狀曰此必盜金者召詰有之果得  
 五十兩白金百兩以聞就以金賜之命誅盜者  
 盜謀固嘗金非臣所宜得願還金以贖盜死帝  
 悅而

從之有近臣蹴踡帝前帝即命出鈔十五萬貫賜之  
 阿沙不花頓首言曰以蹴踡而受上賞則奇技淫巧  
 之人日進而賢者日退矣將如國家何臣死不敢表  
 詔乃止帝又嘗御五花殿丞相塔思不花三寶奴中  
 丞伯顏等侍阿沙不花見帝容色日悴乃進曰八珍  
 之味不知御萬金之身不知愛此古人所戒也陛下  
 不思祖宗所託之重天下仰望之功而惟麪羹  
 非瑣是好是猶兩斧伐孤樹未有不顛仆者也且陛  
 下之天下祖宗之天下也陛下之位祖宗之位也陛  
 下莫不自愛如宗社何帝大悅曰非卿孰爲朕言繼

自今毋愛於言朕不忘也因命進酒阿沙不花頓首  
謝曰臣方欲陛下節飲而反勸之是臣之言不信於  
陛下也臣不敢奉詔左右皆賀帝得直臣遂進開府  
議同三司中書右丞相行御史大夫俄復平章政事  
兼軍國重事兼廣武侍衛親軍都指揮使封康國公  
有以左道惑衆者諸世臣大家多信趨之竟宣字法  
遷知樞密院事以至大二年十月薨于位年四十七  
至正元年贈純誠一德正憲保大功臣開府儀同三  
司中書右丞相上柱國追封順寧王謚忠烈其繼室  
別哥倫氏亦有至行寡居三十年未嘗妄言一身不

服華綵詔旌其門與元配達海的斤氏並封順寧王  
夫人子伯嘉訥廉直剛敏憂國如憂家嘗爲京尹屯  
儲衛誘小民梅凍兒誣首海商一百十有六人爲盜  
而掠其貲獄具械送刑部命伯嘉訥審錄之盡得其  
寃狀白丞相釋之還其貲後遷翰林侍讀學士

拜住

拜住安童孫也五歲而孤大夫人教養之稍長宏遠  
端亮有祖風至大二年襲爲宿衛長仁宗卽位延祐  
二年拜資善大夫太常禮儀院使四年進榮祿大夫  
大司徒五年進金紫光祿大夫六年加開府儀同三

司餘並如故每議大政必問曰合典故否同官有異見者曰大朝止說典故耶拜住微笑曰公試言之國朝何事不依典故同官不能對太常事簡毋退食必延儒士諮訪古今禮樂刑政治亂得失盡日不倦嘗曰人之仕宦隨所職司事皆可習至於學問有本施於事業此儒者之能事宰相之資也英宗在東宮問宿衛之臣於左右咸稱拜住賢遣使召之欲與語拜住謂使者曰嫌疑之際君子所慎我長天子宿衛而與東宮私相往來我固得罪亦豈太子福耶竟不往英宗登極拜中書平章政事會諸侯王于大明殿詔進

讀太祖金匱寶訓威儀整暇語音明暢莫不注目竦聽夏五月宣徽使失烈門要束木妻也里失八等謀爲逆帝密得其事御穆清閣召拜住謀之對曰此輩擅權亂政久矣今猶不懲陰結黨與謀危社稷宜速施天威以正祖宗法度帝動容曰此朕志也命率衛士擒斬之其黨皆伏誅拜中書左丞相先時近侍傳旨以姓名赴中書銓注者六七百員選曹爲之壅滯拜住奏閣之注授一依選格次第吏無容姦刑曹事有情可矜者寬恕之貪暴不法必不少容帝常諭左右曰汝輩慎之苟陷國法我雖曲赦拜住不汝恕也

元史及傳卷三十三  
十一  
至治元年春正月帝欲結綵樓於禁中元夕張燈設宴時居先帝喪參議張養浩上疏拜住謂當進諫卽袖其疏入奏帝悅而止仍賜養浩帛以旌直言二月從幸上都次察罕腦兒帝以行宮亨麗殿制度卑隘欲更廣之奏曰此地苦寒入夏始種粟黍陛下初登大寶不求民瘼而遽興大役以妨農務恐失民望從之帝嘗謂拜住曰朕委卿以大任者以乃祖木華黎從太祖開拓土宇安童相世祖克成善治也卿念祖宗令聞豈有不盡心者乎拜住再拜曰陛下委臣以大任臣有所畏者二畏辱祖宗畏天下事大識見有

所未盡畏年少不克屬荷無以上報聖恩惟陛下垂閔時加訓飭幸甚延祐間朔漠大風雪羊馬駝畜盡死人民流散以子女鬻人爲奴婢拜住以興王根本之地其民宜加賑卹請立宗仁衛總之命縣官贖置衛中以遂生養至元十四年始建太廟于大都至是四十年親享之禮未暇講肄拜住奏曰古云禮樂百年而後興郊廟祭享此其時矣帝悅曰朕能行之預勅有司以親享太室儀法禮節一遵典故母擅增損冬十月始有事于太廟二年春正月孟享始備法駕設黃麾大仗帝服通天冠絳紗袍出自崇天門拜住

攝太尉以從帝見羽衛文物之美顧拜住曰朕用卿言舉行大禮亦卿所共喜也對曰陛下以帝王之道化成天下非獨臣之幸實四海蒼生所共慶也致齋大次行酌獻禮升降周旋儼若素習中外肅然明日還宮鼓吹交作萬姓聳觀百年廢典一旦復見有感泣者拜住率百僚稱賀于大明殿執事之臣賜金帛有差又奏建太廟前殿議行禘祫配享等禮帝從容謂拜住曰朕思天下之大非朕一人思慮所及汝爲朕股肱毋忘規諫以輔朕之不逮拜住頓首謝曰昔堯舜爲君每事詢衆善則舍己從人萬世稱聖桀紂

爲君拒諫自賢悅人從己好近小人國滅而身不保民到于今稱爲無道之主臣等仰荷洪恩敢不竭忠以報然事言之則易行之則難惟陛下力行臣等不言則臣之罪也帝嘉納之時右丞相鐵木迭兒貪濫譎險屢殺大臣鬻獄賣官廣立朋黨凡不附己者必以事去之尤惡平章王毅右丞高昉因在京諸倉糧儲失陷欲奏誅之拜住密言於帝曰論道經拜宰相事也以金穀細務責之可乎帝然之俱得不死鐵木迭兒復引叅知政事張思明爲左丞以助己思明爲盡力忌拜住方正每與其黨密語謀中害之左右得

其情乘間以告且請備之拜住曰我祖宗爲國元勳世篤忠貞百有餘年我今年少叨受寵命蓋以此耳大臣協和國之利也今以右相讎我我求報之非特吾二人之不幸亦國家之不幸吾知盡吾心上不負君父下不負士民而已死生禍福天實鑒之汝輩毋復言未幾奉旨往立忠憲王碑于范陽鐵木迭兒久稱疾聞拜住行將出蒞省事入朝至內門帝遣速速賜之酒且曰卿年老宜自愛待新年入朝未晚遂快怏而還然其黨猶布列朝中事必稟于其家以拜住故不得大肆其奸百計傾之終不能遂在京倉漕管

庫之職歲終例應注伐時張思明亦稱疾不出眾皆顧望拜住雖朝夕帝前以事不可緩乃日坐省中謂僚屬曰左丞病省事遂廢乎郎中李處恭曰金穀之職須慎選擇不得其人夫敢遽擬拜住曰汝爲賣官之計耳遣人善慰思明乃出共畢銓事拜住每以學殺政化大源似緩實急而主者不務盡心遂致廢弛請令內外官議拯治之有言佛教可治天下者帝問之對曰清淨寂滅自治可也若治天下捨仁義則綱常亂矣又嘗謂拜住曰今亦有如唐魏徵之敢諫者乎對曰槃圓則水圓孟方則水方有太宗納諫之君

則有魏徵敢諫之臣帝並善之六月壬寅敕賜平江  
腴田萬畝拜住辭曰陛下命臣釐正庶務若先受賜  
田人其謂何帝曰汝勲舊子孫加以廉慎人或援例  
朕自諭之秋七月奏召張思明詣上都數其罪杖而  
逐之鐵木迭兒繼亦病卒拜住哭之慟初浙民吳機  
以累代失業之田賣於司徒劉夔夔賂宣政使八刺  
吉思買置諸寺以益僧廩矯詔出庫鈔六百五十萬  
貫酬其直田已久爲他人之業鐵木迭兒父子及鐵  
失等上下蒙蔽分受之爲贓鉅萬真人蔡道泰以奸  
殺人獄已成鐵木迭兒納其金令有司變其獄拜住

舉奏二事命臺察鞠之盡得其情以田歸主劉蔡八  
刺吉思等皆坐死餘論罪有差特赦鐵失冬十二月  
進右丞相監修國史帝欲爵以三公懇辭遂不置左  
相獨任以政首薦張珪復平章政事召用致仕老臣  
優其祿秩議事中書不次用才唯恐少後日以進賢  
退不肖爲重務患法制不二有司無所守秦詳定舊  
典以爲通制帝幸五臺拜住奏曰自古帝王得天下  
以得民心爲本失其心則失天下錢穀民之膏血多  
取則民困而國危薄歛則民足而國安帝曰卿言甚  
善朕思之民爲重君爲輕國非民將何以爲君今理

民之事卿等當熟慮而慎行之三年春二月將進仁宗實錄先一日指翰林國史院聽讀首卷書大德十一年事不書左丞相哈刺哈孫定策功惟書越王禿刺勇決從容謂史官曰無左丞相雖百越王何益錄鷹犬之勞而略黷踪指示之人可乎立命書之其他筆削未盡善者一一正之人皆服其識見夏六月拜住以海運糧視世祖時頓增數倍今江南民力困極而京倉充滿奏請歲減二十萬石帝遂併鐵木迭兒所增江淮糧免之時鐵木迭兒過惡日彰拜住悉以奏聞帝悟奪其官仆其碑奸黨鐵失等甚懼帝在上都

夜寐不寧命作佛事拜住以國用不足諫止之既而懼誅者復陰誘群僧言國當有厄非作佛事而大赦無以穰之拜住叱曰爾輩不過圖得金帛而已又欲庇有罪耶奸黨聞之益懼乃生異謀晉王也孫帖木推時鎮北邊鐵失潛遣人至王所告以逆謀約事成推王爲帝王命囚之遣使赴上都告變未至車駕南還次南坡鐵失與赤斤鐵木兒等夜以所領阿速衛兵爲外應殺拜住遂弑帝於行幄晉王卽位鐵失等伏誅詔有司備儀衛百官著宿前導輿拜住畫相於海雲寺大作佛事觀者萬數無不歎惜泣下拜住憂

國忘家常直內庭知無不言太官以酒進則憂形于色有盜其家金器百餘兩他寶直鉅萬繼而獲盜得金家僮來告色無喜愠自延祐末水旱相仍民不聊生及拜住入相振立紀綱修舉廢墜裁不急之務杜僥倖之門加惠兵民輕徭薄斂英宗倚之相與勵精圓治時天下晏然國富民足遠夷有古未通中國者皆朝貢請吏而奸臣畏之卒構禍難云母怯烈氏年二十二寡居守節初拜住爲太常禮儀院使年方二十吏就第請署字適在後圃閱羣戲出稍後母厲聲呵之曰官事不治若爾所爲豈大人事耶拜住深自

克貴一日入內侍安英宗素知其不飲是日強以數卮旣歸母戒之曰大子試汝量故強汝飲汝當日益戒懼無酣于酒又常代祀睿宗原廟歸侍左右母問之曰真定官府汝汝若何對曰所待甚重母曰彼以天子威靈汝先世勲德故耳汝何有焉拜住之賢母之教也後封東平王夫人泰定初中書奏丞相拜住盡忠效節殞于羣兇乞賜褒崇以光後世制贈清忠一德功臣大師開府儀同三司上柱國追封東平王謚忠獻至正初改正仁孚道一德佐運功臣餘如故子薦麟鐵穆爾



